



IKUGA FONO

**FONO FAKAMUA
10 – 12 Mati 2020
FAKAOFO**

FONO FAKAMUA
10 – 12 Mati 2020

MATAKUPU		PAHINA
1.	TAKUTINOGA ONA HUI FONO FAKAMUA – Malo Fakaauau	3
2.	TOFIAGA MA NA TAKUTINOGA O TE TAKITAKIFONO MA TE HUI TAKITAKIFONO O TE FONO FAKAMUA – Malo Fakaauau	3 - 4
3.	TUFATUFAGA ONA TOFI MINIHITA – Malo Fakaauau	4
4.	TAKI FAKATU KE FEHOAHOANI KI FANAU HIKOLAHUPI I NA AKOGA I TE VAITAIMI O TE FAMAI FAKAMATAKUTAKU (CORONAVIRUS – COVID 19) – Mataeke Akoakoga	4 – 5
5.	TAKUTINOGA A LEOLEO	5
6.	PELENI MO TE PUIPUIGA MA TE TAPENAPENA A TOKELAU MO TE FAMAI COVID 19 (Coronavirus) – Mataeke Ola Malolo	5
7.	ALOAKIAGA O TE TAUTAI AKE II – Mataeke Akoakoga	6
8.	FAKATUPEGA FAKALEOLEO MO NA FAKALAVELAVE FAKAFUAHEKI – COVID 19 – Malo Fakaauau	6
9.	ILOILOGA O TE TUPE I TE AFA TAUHAGA 2019-2020 – Malo Fakaauau	7
10.	KOMEHINA O TE KAUFAGALUEGA A TOKELAU	7
11.	KI LATOU NA FAKATAHI MAI KI TE FONO FAKAMUA	8
	<i>Pepa Fakaopoopo 1 - Mataeke o Akoga</i>	
	<i>Pepa Fakaopoopo 2 - Mataeke o te Ola Malolo</i>	
	<i>Pepa Fakaopoopo 3 - Mataeke o Akoga</i>	
	<i>Pepa Fakaopoopo 4 - Mataeke o te Tupe</i>	
	<i>Pepa Fakaopoopo 5 - Mataeke o te Tupe</i>	

1. TAKUTINOGA A TE ULU O TOKELAU MA NA HUI FONO FAKAMUA

Ko te mamalu o te Fono Fakamua na:

Matau:

- i. Te takutinoga a te Ulu o Tokelau, Faipule Fofu Esera Tuisano i te aho o te fakanofoga, aho Gafua, 09 Mati 2020.
- ii. Te takutinoga a na Hui Fono Fakamua:
 1. Faipule Siopili Perez
 2. Peato Pelenato
 3. Petelo Tavite
 4. Lepeka Amato-Perez
 5. Pafelio Tumua
 6. Save Tumua
 7. Pulenuku Lino Isaia
 8. Aokuso Vavega
 9. Hina Kele
 10. Kaio Isaako
 11. Tofiga Teao
 12. Malia Pue
 13. Tinielu Tuumuli
 14. Pulenuku Mose Pelasio
 15. Pulenuku Faamanuia Tamoia
 16. Sirila Enosa
 17. Latu Lopa
 18. Nofo Iupati
 19. Teloloma Paulo
 20. Stanley Lopa
 21. Faipule Kelihiano Kalolo

2. TOFIAGA MA NA TAKUTINOGA A TE TAKITAKI FONON MA TE HUI TAKITAKI FONON

Ko te mamalu o te Fono Fakamua na:

Matau:

- i. Na fakafehili a ni hui mamalu e tuha ai ma te tulaga o te Komehina Tulafono, pe tatau ona tuku atu ki ei ni ietahi tofiaga ona e tutautahi, f.t. Hui Takitaki Fono.
- ii. Ke fakatalatalanoa haele te tulaga o te Komehina Tulafono mo te agai ki mua.

Aloakia:

- i. te tofiaga a te Taupulega Fakaofu e tuha ai ma te Takitaki Fono ma te Hui Takitaki Fono mo te Fono Fakamua:

- a. Takitaki Fono, Sela Sophie Tyrell Saumani.
- e. Hui Takitaki Fono, Safiti Lomi Gaulofa.

3. TUFATUFAGA O NA TOFI MINIHITA

Ko te mamalu o te Fono Fakamua na **matau** ma **pahia**:

- i. te tofitofiga o na tofi Minihita:

HUI	TOFI MINIHITA
Ulu o Tokelau	Ofiha o te Malo Fakaauau Fakamahinoga Va ki fafo Kaufaigaluega Tautua a te Malo Fatupaepae, Tupulaga & Takaloga (NGOs)
Faipule Esera Tuisano	Malohiaga Femalagakiga
Faipule Kelisiano Kalolo	Huiga ki te Tau Akoakoga
Faipule Siopili Perez	Tupe Ola Malolo
Pulenuku Mose Pelasio	Fagotaga Fehokotakiga (Teletok)
Pulenuku Faamanuia Tamoia	Atiakega o te Tama o Kaiga Lihohi Fakatenatula & Hikomaga
Pulenuku Lino Isaia	Tautua Lagolago

4. TAKI FAKATU KE FEHOAHOANI KI FANAU HIKOLAHUPI I NA AKOGA I TE VAITAIMI O TE FAMAI FAKAMATAKUTAKU (CORONAVIRUS – COVID19)

Ko te mamalu o te Fono Fakamua na:

Matau:

- i. Te fakatupega e \$75,000 e manakomia e te Mataeke o Akoga, ke kaumai ai a tatou fanau akoga i fafo;
- ii. Aho 16 - 20 Mati 2020, kua tataui ai na fanau akoga uma ke i luga o Hamoa.
- iii. Aho 31 Mati 2020, kua tataui ai na fanau akoga uma ke i luga o Tokelau.

Talia:

- i. Te pepa a te Mataeke o Akoga e tuha ma na fanau akoga. **(Kikila ki te Pepa Fakaopoopo 1).**

Malilie:

- i. Ke kaumai loa nei ki Tokelau na fanau akoga uma a te Malo ma na fanau akoga kui tua e akoako I Niu Hila, Auhetalia, Fiti, Vanuatu ma Hamoa.
- ii. Mo na fanau akoga i Niu Hila ma Auhetalia, ke tuku te filifiliga ki te uluga matua ma te la fanau, pe omamai ki Tokelau pe nonofo pea veia ona e matau, e hili atu te maualuga o na fehoahoaniga tau falemai i Niu Hila ma Auhetalia.

5. TAKUTINOGA A LEOLEO

Ko te mamalu o te Fono Fakamua na:

Matau:

- i. te takutinoga a na Leoleo kua takua.
 1. Suliana Peha
 2. Soteria Leitu
 3. Sulia Peleni
 4. Anita Paulo
 5. Sione Siliga
 6. Julie Lopa

6. PELENI MO TE PUIPUIGA MA NA TAPENAPENAGA A TOKELAU MO TE FAMAI COVID 19 (CORONAVIRUS)

Ko te mamalu o te Fono Fakamua na:

Matau:

- i. Te Tulafono mo na Fakalavelave Fakafuaheki mo te Kikilaga Totoka o na Fakalavelave Fakafuaheki 2003;
- ii. Ko te Ulu o Tokelau, e fakailoa aloakia e ia kafai ia Tokelau kua i he tulaga fakapokepoke fakafuaheki (state of emergency);
- iii. Te ata faka-ataata a te Mataeke o te Ola Malolo mo na Tapenapenaga a Tokelau mo te COVID 19.

Talia:

- i. Te Peleni a te Mataeke o te Ola Malolo mo te Puipuiga ma na Tapenapenaga a Tokelau mo te Famai COVID 19 fakatahi ai ma na teuteuga uma i te Peleni. **(Kikila ki te Pepa Fakaopoopo 2)**
- ii. Ke gafa ma te Komiti Pulepule te faiga o he tonu, fua ki na fautuaga ma na fakamatalaga e tuku atu ki ei e te Mataeke o te Ola Malolo.
- iii. Ke tapunia te alavaka ki Tokelau **VAGANA** na tauale fakafuaheki ma na fehoahoaniga fakapitoa e manakomia e Tokelau.

7. ALOAKIAGA O TE TAUTAI AKE II

Ko te mamalu o te Fono Fakamua na:

Matau:

- i. te lauga a te Minihita o Akoga, agai ki na tuhi faitau mo na fanau a Tokelau. **(Kikila ki te Pepa Fakaopoopo 3).**

8. FAKATUPEGA FAKALEOLEO MO NA FAKALAVELAVE FAKAFUAHEKI – COVID 19

Ko te mamalu o te Fono Fakamua na:

Matau:

- i. Te pepa fakaataata a te Mataeke o te Tupe na tuku mai mo he Fakatagaga Tupe Fakaleoleo;
- ii. Ko te tupe ola o te Teuga Tupe Fakaleoleo (Trust Fund) ko te tupe ia e mata e ono fakaaoga;
- iii. Keiei he matauga ki na tupe kua fakaleoleo mo te famai i te Tauhaga Tupe Fou.

Malilie:

- i. Ke fakataga e te Fono Fakamua na tau valevale e fakafano ki na tapenapenaga i lalo o na Nuku.
- ii. Ko te aofaki e \$885,000 ma te vaevaega o tenei vaega tupe, i na teki lava ko na Nuku/Mataeke e ova a latou fakafanoga tupe mo te Tauhaga Tupe 2019/2020. **(Kikila ki te Pepa Fakaopoopo 4).**
- iii. Ke fakataga he \$300,000 ma te vaevaega o tenei vaega tupe, ke onono ai i na teki lava e fakailoa aloakia he fakalavelave fakafuaheki ona ko te COVID 19, e i loto o te Tauhaga Tupe 2019/2020.
- iv. Ke fakataga te Malo Fakaauau ke tuku atu he talohaga ki he fakahoa mai o te Tupe Ola o te Teuga Tupe Fakaleoleo, ki te Komiti o te Teuga Tupe fakapitoa kafai e manakomia.
- v. Ke tuku atu te avanoa ki te Mataeke o Tautua Lagolago, ke hakilikili mai ni mahini fakaliliu vai fakatahi ma te tau o na mahini, ma tuku atu ki na Taupulega.
- vi. Ke tuku atu ki na Taupulega, ke kikila ki a latou fakamuamuaga ke fulihia ai a latou fakatupega mo na tapenapenaga kae ke **MATAU** pea na puipuiga;
- vii. Ke tuku atu ki na Taupulega, ke kikila ki te vaega e takua i te Peleni a te Mataeke o te Ola Malolo, (tino maliliu).
- viii. Ke gafa ma te Ulu o Tokelau te fakailoaga aloakia o na fakamatalaga e kave ki fafo.

9. ILOILOGA O TE TUPE I TE AFA TAUHAGA 2019/2020

Ko te mamalu o te Fono Fakamua na:

Matau:

- i. Te Lipoti Tupe mo te 6 mahina muamua o te Tauhaga Tupe 2019/2020, fakagata mai i te aho 31 Tehema 2019.
- ii. Te tulaga o na popolega mo te agai ki mua.

Malilie:

- i. Ki na huiga ki te Paketi Tupe kua fautuagia e veia ona auliili atu i te **Pepa Fakaopopo 5**.

10. KOMEHINA MO TE KAUFAGALUEGA TAUTUA A TOKELAU

Ko te mamalu o te Fono Fakamua na:

Matau:


- i. Ko te Lipoti na tapena e te Hudson e tuha ai ma te filifiliga o te Komehina mo te Kaufaigaluega Tautua a Tokelau.
- ii. Na tataua lava ona iei he tino Tokelau i te Komiti Tukuga Fehili mo te filifiliga o te Komehina mo te Kaufaigaluega Tautua a Tokelau.
- iii. Ke fakamatea te popolega ona hui fono, ko te 6 mahina onoono e fakatino.
- iv. Mo te agai ki mua, ke kikila lelei ki te fakatinoga o te galuega ma te Komiti Tukuga Fehili, ke mautinoa e iei he tino Tokelau i te Komiti.

Malilie:

- i. Ko te fakamaoniaga o te tofi mo te Komehina mo te Kaufaigaluega a Tokelau, na fai i he palota puipuia;
- ii. Ke tuku atu te tofi galue Komehina mo te Kaufaigaluega Tautua a Tokelau kia Tiso Fiaola, kae e onoono mo he 6 mahina.
- iii. Tuku atu te lipoti ki te fakatinoga o te galuega ki na Taupulega.

Fakamaonia e:

Takitaki Fono:


Sela Sophie Tyrell-Saumani

Aho:

17/03/20

Hui Takitaki Fono:


Safiti Lomi Gaulofa

Aho:

17/03/2020

Ki latou na kau fakatahi mai ki te Fono Fakamua.

Hui Fono Fakamua

Fakaofu

1. Ulu o Tokelau, Faipule Fofu Esera Tuisano
2. Puleuku Mose Pelasio
3. Tiniehu Tu'umuli
4. Kaio Isaako
5. Aokuso Vavega
6. Tofiga Teao
7. Malia Tavita
8. Hina Kele
9. *Talasilia Sosene (Hauatea)*
10. *Safiti Vavega (Hauatea)*

Nukunonu

1. Faipule Siopili Perez
2. Puleuku Lino Isaia
3. Peter Tavite
4. Peato Pelenato
5. Pafelio Tumua
6. Save Tumua
7. Lepeka Amato-Perez
8. *Vasa Tavite (Hauatea)*
9. *Atonio Egeliko (Hauatea)*

Atafu

1. Faipule Kelisiano Kalolo
2. Puleuku Fa'amanuia Tamoia
3. Sirila Enosa
4. Nofo Iupati
5. Stanley Lopa
6. Teloloma Paulo
7. Latu Lopa
8. *Asora Tonuia (Hauatea)*
9. *Olive Viliamu (Hauatea)*

Kaufaigaluega Tautua

Fakaofu

Suia Pelasio
Taitai Penehe
Mete Kele

Nukunonu

Asi Pasilio
Ta'ase Sio
Hina Levi
Sefo Leo
Viliamu Ioapo
Suliana Peha

Atafu

Aleta Aleta
Olita Isa'ako
Poasi Tuilotolava

Mataeke o Fagotaga

Fereti Tulafono
Luisa Naseri Sale

Ofiha Malo Fakaauau

Tino Vitale
Ake Puka-Mauga
Kele Lui

Mataeke o te Tupe

Rosita Mauai

Mataeke o te Ola Malolo

Dr. Silivia Tavite
Dr. Lameka Sale
Nive Sakaria

Mataeke o Akoga

Elaine Lameta
Fulitusi Alovaka

Mataeke o Femalagaakiga/Tautua

Lagolago
Simona Mei

<u>HUIGA O TE TAU</u> Paula Faiva <u>MATAEKE O te MALOHIAGA</u> John Bosco Penehe <u>Mataeke o te EDNRE</u> Mika Perez	Alofa Aleta Fa'amatua'ine Faamasani Asi Pio Alainu'uese Operations Manager <u>IUNITE o PELENIGA ma ONOONOGA</u> Tiso Fiaola <u>TELETOK</u> Tealofi Enosa
--	---

TAKI FAKATU KE FEHOAHOANI KI FANAU HIKOLAHIFI I NA AKOGA I TE VAITAIMI O TE FAAMAI FAKAMATAKUTAKU (CORONAVIRUS – COVID 19)

1 Kautu

1.1 Ko te kautu o te pepa e tuku atu ai ni fakamatalaga ma ni filifiliga ke fehoahoani ki te Malo Fakaauau ma te Fono Fakamua i ana talanoaga ki he fehoahoani ma te Malo o Tokelau ki na fanau hikolahifi e akoako i fafo o Tokelau i te vaitaimi nei e peehi ai te faamai fakamatakutaku i te lalolagi ko te COVID 19

2 Talaaga

2.1 Ko te faamai COVID 19 e peehi nei, na kamata i he kogafenua o Haina ko Wuhan i te tauhaga kua teka kua peehi ki ietahi fenua e 58 o te lalolagi i fafo o Haina e aofia ai ia Auhetalia ma New Hila. Ko heki iei he tauale fakamaonia i na fenua o te Pahefika ma na fenua taikole.

2.2 Kua fakamalohia ia fenua takitahi ke fakamakeke a latou puipui ke he ake mai ai te COVID 19 ki na fenua ma tapenapena ke taofiofi te peehi o te hiamā kafai kua iei he tauale fakamaonia i loto o te fenua. E fakatino nei e Tokelau ni puipuiga makeke ke teteke ma fakaauau te fakamakekega o na tapenaga e tautali ai te ponopono ke he pa mai te faamai ki na motu e 3 o Tokelau. Ko Tokelau e mata lelei te peehi o te faamai i te lalolagi ma tuku atu ni fautuaga talafeagai ma faiho mo te auala ki mua.

2.3 Ko hetahi o maga taua kua fakahula e i loto ai ia fanau hikolahifi a te Malo o Tokelau e akoako i fafo o Tokelau. Kae maihe na popolega kua laga e matua ma na Taupulega ki te fakapopole o te ola malolo o fanau i na fenua e akoako ai nei ma kua fofou ke toe fakaliliu mai ia fanau akoga ki Tokelau. Ko te pepa tenei e fakatu ai ni faiga ke talanoa malama ai te Malo Fakaauau.

3 Fanau Hikolahifi a Tokelau i fafo o Tokelau

3.1 I te taimi nei, ko fanau a Tokelau e akoako i:

- Niu Hila
- Auhetalia
- Fiti
- Vanuatu
- Samoa

Laulau 1 Fanau Hikolahifi ei fafo o Tokelau ki te aho 5 Mati 2020

Fenua e Akoako ai	Aofaki o Fanau	Kaiga o te Fanau Aoga	Aofaki o fanau akoga ma latou kaiga	Aofaki e fai Tuhi Malaga NH	Aofaki e he iei ni Tuhi Malaga NH
Fiti	Hekiavaga -23 Faikaiga - 5 Aofaki = 28	Hoa – 3 Tamaiti – 9 Aofaki = 12	40	Fanauakoga - 22 Kaukaiga - 7	Fanauakoga – 6 (2 Samoa, 1 USA, 1 Kiribati, 2 Tuvalu) Kaiga - 2 (2 Tuvalu)

					Hemautinoa - 3
Vanuatu	Hekiavaga - 1 Faikaiga - 1 Aofaki = 2	Hoa – 1 Tamaiti – 3 Aofaki = 4	6	Fanauakoga – 2 Kaukaiga - 4	
Niu Hila	Hekiavaga - 5 Faikaiga - 1 Aofaki = 6	Hoa – 1 Tamaiti – 1 Aofaki = 2	8	Fanauakoga – 6 Kaukaiga - 2	
Auhetalia	Hekiavaga - 1 Faikaiga - 0 Aofaki = 1	Hoa – 0 Tamaiti -0	1	Fanauakoga - 1	
Samoa	Hekiavaga - 9 Faikaiga - 1 Aofaki = 10	Hoa – 1 Tamaiti – 0 Aofaki = 1	11		

4 Kautu maualuga o te Fakatu

4.1 Ko te kautu maualuga o te fakatu tenei ke fakamautinoa ko te ola malolo o ienei fanau hikolahipi ma latou kaiga e puipuia, ma e auala gofie e latou na puipuiga fakateola malolo aupito hili o na lelei ke peehi te faamai ite lalolagi.. Kae maihe ko latou akoga e he lahi he fakahoaha e pa ki ei.

5 Te tulaga e iei nei te COVID 19

5.1 I te aho 7 Mati 2020, ko heki iei he tauale COVID 19 e fakamaonia kua lipoti ma ii Fiti, Vanuatu, ma Samoa. Kua fakamaonia ni tauale tokalima i Niu Hila, kae ko Auhetalia kua 63 ia tauale COVID 19 kua fakamaonia – tokalua kua maliliu – e 22 ia tauale kua kua manuia mai na tauale e 63 kua fakamaonia

6 Talatalanoaga

6.1 E filifili e Tokelau pe ka fakagoi na fanau ki fafo o na fenua e akoako ai pe tukuveia, pe toe kikila ki etahi faiga kua fakatutu atu i lalo:

a) Fanau i Niu Hila

i. Penefiti Tauolamalolo

- E ui kua fakamaonia ni tauale COVID 19 i Niu Hila, ko te mafai o Niu Hila ponopono te faamai e maualuga atu i lo te mafai ei Tokelau. Ko te katoa o te lelei o na falemaki i Niu Hila ke tauhi lelei ai na tauale e maualuga atu i lo o Tokelau ma ko a tatou fanau e maua gofie ni auala ki na fehoahoaniga tauolamalolo e he maua i Tokelau kafai e toe liliu mai ki Tokelau
- Kafai e tuku e tatou na fanau i Niu hila e he iei hetahi tupe fakaopoopo e fakafano ai.

i. Afainaga ki na akoakoga a fanauakoga

- Vagana kua tapuni na aoga i Hiu Hila ona ko te faamai COVID 19, ko na fanauakoga e maua pea e latou na avanoa ke fakaaauau ma fakauma latou meaaoga kafai e nonofo pea i

Niu Hila. Ko tona uiga he tama afainaga lele te ono pa ki ei a latou akoga, kae maihe lava ki latou ina koohi pupuku.

- Ka toe foki main a fakanuaoga ki Tokelau, ko tona uiga ko te tokalahiga ka he mafai maua na ikuga lelei na peleni ki ei mo te tauhaga.
- Ko tatou fanau i na hikolahipi o na koohi pupuku pe lautogia, ka faigata lele ke toe kamata i lalo o te Hikimi (STTA) ka toe fakaliliu mai ki Tokelau ko heki uma te koohi. I tetahi itu ko te koohi i a he toe iei he avanoa i te tauhaga hohoko, kae i tetahi itu ko te fakatupega ia he toe avanoa foki.

b) Fanauakoga i Fiti, Vanuatu & Samoa

i Penefiti Tauolamalolo

- I te taimi nei ko heki iei te tauale COVID 19 kua fakamaonia i na fenua ienei o te Pahefika. Ko na fenua ienei kua fakamakeke te leoleoga o a latou puipuiga ulufale ki loto o te fenua ma na fakaha i na femalagakiga ma ko te latou kauhaga o te Ola Malolo kua tofitofi ke fakamakeke te tetekega i na mea e makomia ai. Ma ko te levolo o te fakapopole mo tatou fanau ke maua i te faamai COVID 19 i na fenua ienei e tutuha lava ma te levolo i luga o Tokelau.
- Ko te levolo o na tautuaga fakapitoa e maua i na fenua ienei e maoake atu i lo o na tautuaga e maua i Tokelau ma kafari e tauaale e ono manakomia ai ni togafitifa fakapitoa e maua e latou te avanoa hili atu i lo o Tokelau.

ii Afainaga o na akoakoga a fanauakoga

- Ko na lunivehite e akoako ai tatou fanau akoga e tatala nei ma na vahega mahani ma kafari e fakagaoi nei ia fanauakoga i na fenua ienei e lahi te afainaga ki na fakamoemoega o latou koohi o te tauhaga nei.
- E mooni e mafai ni koohi takave i luga o na alaleo televave, kae he tau lahi tena ki te Mataeke o te Akoga ke fakatino kui i te Teletok mo ni lehona e kui mai te auala televave ona ko te hokotaga ma te USP ko heki tulelei mai.
- Ko hetahi matauga ko te numela o na koohi e e fakamoemoe lahi ke hagahaga i te tuku maiga o na fakatonuga kae maihe i na tau fakamutaga o na akoakoga, ma te natula o ietahi koohi e manakomia ai ni vahega, ma na galuega fakatakitaki i na fale galue, ve ko latou e kave koohi i ola malolo, teine fomai, inihinia, faufale ma ietahi. I he kikila katoa ko te fakaaauau o na akoakoga i Tokelau kua afaina i te taikole o na lihoi e avanoa i Tokelau kae maihe te natula o na kooni.
- Ko tatou kua i te vaiaho 5, toetiti lele afa te vaitimi aoga muamua kae ko te USPnet i Atafu ma Fakaofu ko heki ola. E tokalua ia tekinihi inihinia ei luga o te vaka nei ke fakalelei na hihitemi ienei kua teka te afa temi. Ko na fanau akoga o te 2 ki te 3 tauhaga ka faigata mo latou, pe kua he mafai lava akoako atu i Tokelau aua ko latou koohi e tatau fakahagahaga ma te faiakoga.

- E he ko na koohi uma e mafai fai i luga o na fehokotakiga televave. E ve ona fakaaailoa atu, kae maihe lava na koohi kua tau lata ki te fakaikuga e maua ai o latou fakamanuiaga, ko na hemina e manakomia ai he hagahaga ma te akoako. Ko te tulaga e fia maua pe ko ni a na koohi e avanoa ke fai i luga o te vateatea mai Niu Hila.
- Ko na lukitau ia e ono fakaheke ai na akoakoga o fanau akoga ki hetahi vaitaimi pe he tauhaga katoa foki kafai na koohi e he avanoa i te temi tonalua. Ka tauhaga ai te telegehe o tenei fakamuta

c) Fanauakoga i Auhetalia

i. Penefiti tau Ola Malolo

- Na lipoti o te aho 7 Mati 2020, na fakailoa ai ko Auhetalia kua 63 ia tauale fakamaonia ma e tokalua kua maliliu. E 22 ia tauale fakamaoni kua fakamalolo. Te lahiga o na tauale fakamaonia ei NSW ma ietahi e tau ki te femalagakiga ma latou i luga o he vaka meli e lehitara ki Hiapani.

ii. Afainaga Tauakoakoga a Fanau

- Vagana kua tapuni na aoga i Auhetalia ona ko te famai COVID 19, ko fanauakoga e fakaaauau lava a latou mea aoga ka nonofo pea i Auhetalia. Ma, e ono taikole te afainaga ki a latou matakupu kae maihe ki latou i na koohi pupuku

- iii. Kafai te fanauakoga tautahi e toe fakaliliu ki Tokelau, ko tona uiga ko te fanauakoga tautahi ten aka he mafai fakaaauau latou akoga mo te tauhaga nei ma ka afaina lahi ai te fakamoemoega na peleni ki ei i te kamataga o te tauhaga.

7 Afainaga tau Ola Malolo ka fakafoki na fanau akoga ki Tokelau nei

7.1 Kua takua i luga, kafai e fakaliliu mai tatou fanau akoga nei mai na fenua ko heki iei he tauale e fakamaonia, e he iei he kehekehega o te fakapopolega pe toe fakaliliu mai pe heai.

7.2 I te tulaga e iei nei na fenua ko heki iei he tauale fakamaonia ko te manakoga ke ulufale ai ki Hamoa ma Tokelau na ko he pepa tauale e fakamautinoa i loto o te 3 aho i mua o te malaga e he iei ni tauale e i te manakomia.

7.3 Ka fakatali ke fakamautinoa he tauale i na fenua iena, hove e ono hui te puipuiga o tagata malaga ki Hamoa kae mo nei ko te pepa tauale lava i loto o te 3 aho e fakamautinoa ai e he tauale, ma he 14 aho e mafai ai loa malaga ki Tokelau e ve ona iei te Tulafono o Tokelau

7.4 Pe hea lava, ko fanauakoga e tataua ona fakaeteete ma fai ni puipuiga mo latou ke he maua ai ki latou i te COVID 19 ka koi nonofo i fafo ma te faimalaga mai ki Tokelau.

8 Ko na filifiliga mo te toe liliu ki Tokelau

8.1 Fatu agai ki na matauga i luga ko na filifiliga kua kikila ki ei mo te Malo Fakaaauau ke fulifuli:

a) Fanauakoga e akoako i NH ma Auhetali

Filifiliga 1: Nofo i NH ma Auhetalia

Filifiliga 2: Toe liliu mai ki Tokelau

- i. Nei
- ii. Kafai kua fakamaonia he tauale i te fenua e aoga ai

b) Fanauakoga e akoako i Fili, Vanuatu ma Samoa

Filifiliga 1: Nofo i te fenua e aoga ai

Filifiliga 2: Toe liliu mai ki Tokelau

- a. Nei
- b. Kafai kua iei he tauale i te fenua e aoga ai

Filifiliga 3: Kave ia fanauakoga ki NH fakaauau ai latou aoga

- a. Nei
- b. Ma vaega o te Tautali a Niu Hila ke puiuia o latou tagata i he fakalavelave fakafuaheki

Ko na fakatalanoga i luga kua fakapupula ai ni penefiti ma ni lukitau o na filifiliga uma ke fehoahoani mo taulua talatalanoaga. E fakaauau nei na talanoga ma te Ofiha o te Ulu Fakatonu ki na fakamatalaga auiliili o te filifiliga 3. Kae maihe na fanau toka 6 e he ni hitiheni NH.

9 Afainaga Tautupe

9.1 Kafai na fanauakoga i fafo e toe fakaliliy mai nei ki Tokelau, ko te tau matemate kua fakahula atu i te laulau 2 i lalo, kua i loto ai te 14 aho i Samoa:.

Laulau 2: Femalagakiga (tau ki loto te 2 vaiaho e i Hamoa ai)

1. Pahehe ma te nofo i Samoa mai NH	Tai \$1200 / te tino mo te toka 6 fanauakoga, ma te hoa e fokotahi	\$8400
	Approximately \$300 for 1 child	\$300
Tau o te nofo i Apia (falenonofo, meakai ma te alauni)	\$500 /fanauakoga x 6 fanauakoga	\$3000
Pahehe Vaka ki Tokelau	\$70 x 7	\$490
Aofaki o te matematega		\$11,700
2. Pahehe ma te nofo i Samoa mai Auhetalia	Tai \$300 mo te fanau akoga e fokotahi	\$300
Tau o te nofo i Apia (falenofo, meakai, ma te alauni)	\$500 / fanauakoga	\$500
Pahehe Vaka ki Tokelau	\$70	\$70
Aofaki matemate		\$870
3. Pahehe ma te nofo i Hamoa mai Fiti	\$300 /tino mo te toka 18 fanau akoga (tikiti toe liliu)	\$8400
	\$600/tino mo he toka 8 fanau akoga he iei ni tikiti toe liliu	\$4800

	\$600/tino mo na taugahoa toka 3 heki iei ni tikiti toe liliu	\$1800
	\$300 /tino mo he toka na kaukaiga (iei latou tikiti toe liliu)	\$2700
Tau o te nofo i Apia (Falenonofo, meakai, alauni)	\$500 /student x 30 students	\$15,000
Pahehe Vaka ki Tokelau	\$70 x30	\$490
	\$35 x 5	\$175
Aofaki matemate		\$33,365
4. Pahehe tau nonofo i Samoa mai Vanuatu	Tai \$1200 /tino mo te toka 2 fanauakoga ma te hoa e fokotahi	\$3600
	Tai \$300/ tino mo te toka 3 tamaiti	\$2700
Tau o te nonofo i Samoa (falenonofo, meakai, alauni)	\$500 /tino x 4 fanauakoga	\$2000
Pahehe Vaka ki Tokelau	\$70 x 3	\$490
	\$35 x 3	\$105
Aofaki matemate		\$8895
Tau katoa matemate		\$54830

9.2 Ko na tau matemate mo te fakagaoiga o fanau akoga e ve ona fakatu i te palakalafa 8.1 (b) filifiliga 3 kua fakailoa atu i te laulau 3 i lalo::

Laulau 3: Kotokotoga o te afainaga o te tupe ka fakagaoi ia fanauakoga mai na fenua e aoga ai ki NH

	Malaga ma te nofo i Samoa	Alauni (lanuali – Mati 2020)	Tau o na koohi e toe totogi (lanuali – Iuni 2020)	Fale nonofo i te koga nae aoga ai	Aofaki
Niu Hila	11700	24197	14840	11125	61,862
Auhetalia	870	15907	16800	0	33,577
Fiti	33365	162,131	58527	10461	264,484
Vanuatu	8895	24718	2932	0	36,545
Aofaki o te tau matemate					396,468

10 Fautuaga

10.1 Ko te pepa e fautua ki te Malo Fakaauau / Fono Fakamua ke:

- 1) Matau na fakamatalaga o te pepa

- 1) Matau na penefiti ma na lukitau o na filifiliga kua kavatu i te pepa i fehoahoaniga e ono fakatutupu mo fanauakoga e aooga i fafo o Tokelau;
- 2) Fakatalanoa ma fakamaonia mai na filifiliga kua fakailoa:
 - Filifiliga 1: Tatou fanau e aoga nei i NH ma Auehtalia, Fiti, Vanuatu, ma Samoa ka nonofo pea fakaauau latou aoga ke toe onono i he taimi;
 - Filifiliga 2: Tatou fanau e aoga i NH ma Auhetalia nonofo pea ia NH ma Auhetalia, kae ko tatou fanau aoga i Fiti, Vanuatu, ma Samoa fakaheke ki Niu Hila;
 - Filifiliga 3: Fakaliliu tatou fanau ki Tokelau 1) nei, 2) kafai kua iei he tauale fakamaoni, pe 3) fai ma vaega o te fehoahoaniga a NH ka iei ni fakalavelave fakatutupu vave (koi talia ni fakamatalaga auilili)
 - Filifiliga 4: Tatou fanau uma ke fakaauau i na koga e aooga ai ma fakatali te taimi e fakamautinoa ai te fehoahoani a Niu Hila

Fakatinoga o te Tonu a te Fono Fakamua i te aho 10 Mati 2020, ke toe fakaliliu mai o fanau hikolahipi ki Tokelau

Talāga

1. Ona ko te tulaga kua pēhi ai te Covid-19 i te lalolagi, kua iei te tonu a te Fono Fakamua a Tokelau, i te fono o te aho 10 Mati 2020, ke toe fakafoki uma mai na fanau akoga i te Hikimi Hikolahipi a Tokelau ma na fanau akoga e fakatupe e na matua, i te taimi nei lava.

Fakatinoga o te Tonu

Fakauigaga o te tonu fai a te Fono Fakamua

- ☐ Ko fanau akoga e fitoi tonu kiei te ikuga fono tenei, ko fanau i na **akoakoga tulaga tolu** e i te Hikimi Hikolahipi a te Malo o Tokelau vena ma na fanau akoga e fakatupe e ki latou lava a latou akoakoga ma e aoga i na **akoakoga tulaga tolu**.
- ☐ Ko te tonu tenei e fakagata mai i te fakaikuga o te afa muamua o te tauhaga (e kamata mai ia Iuni 2020), ma e toe iloilo e te Komiti Hikolahipi ma toe tuku atu he fautuaga ki te Fono Fakamua ka ko heki kamata te afa mulimuli o te 2020 ma tua atu.

Fanau Akoga i te Hikimi Hikolahipi a te Malo o Tokelau: Fiti, Vanuatu, Hamoa

1. Ona ko he tonu pe ko he fakatonuga foki mai te Malo o Tokelau, ko fanau akoga i te Hikimi Hikolahipi a Tokelau e i na akoga i na fenua kua takua, e tataua ke toe fakafoki mai ki Tokelau.
2. Atonu e maua he avanoa ke fakaaauai ai a latou kahi pe he vaega o a latou kahi i Tokelau, kae manakomia ke iei he pahiaa mai na iunivehite f.t. pahiaa mo na koga e mafai ke fakaaauai ai na akoakoga.

Ko tona uiga, e gafa ma te Malo te totogiga o na vaega uma ienei mo fanau akoga ma o latou kaiga:

- a. Ko na pahehe, te tau e nonofo ai i ietahi fenua ka ko heki taunuku mai ki Tokelau, e iei ai na fale e nonofo ai, alauni ma na tau mo na pili mo te olamalolo.
- e. Ko na tupe na totogi mo na pili akoakoga vena ma na fale nae nonofo ai kua he toe maua. E mafai ke fakaaauai pea te fakaaogaga o na pili akoakoga kua totogi mo ki latou e mafai ke talia ke fakaaauai i Tokelau.
- i. Ko fanau akoga e talia ke fakaaauai pea a latou akoakoga i Tokelau, e fakaaauai pea te totogiga o a latou kahi, ma e totogi foki te alauni e talafeagai mo Tokelau.
- o. E iei te avanoa o fanau akoga ke tolo a latou akoakoga kafai e apalai mo he fakatagaga ma e talafeagai.

Fanau Akoga e Fakatupe e Kaiga: Fiti, Vanuatu, Hamoa

E matau te tulaga o fanau akoga e fakatupe lava e na kaiga, ka ko te fakapokepoke o te lamatia o te ola ko he tulaga moni lava, kafai e maua ni tino i te famai i na nuku e nonofo akoga ai. E lahi foki he afainaga e pa kiei kafai e he toe foki mai ki Tokelau, kae pa te famai ki na nuku ienei, ka kua tapuni na femalagaikaga i te va o na fenua. E tuha ai ma te tulaga tenei, e manakomia e te Malo o Tokelau

ke toe foki mai ia fanau akoga ki kaiga. Ko tona uiga, ko na fakatupega ke malaga mai ai ia fanau akoga venei ma o latou kaiga ki Tokelau e gafa ma te Malo o Tokelau:

- ☐ Ko na pahehe, ma te nonofo i Hamoa ke pa ki te taimi e taunuku mai ai ki Tokelau, e maua foki te alauni ma te totogiga o na pili falemai
- ☐ Ko na pili akoga o te afa tauhaga muamua e totogi
- ☐ Kafai e toe liliu ke fakaauau na akoakoga, e totogi na pahehe ma na tau e manakomia ke taunuku ai ki te atunuku nae nofo akoga ai

Fanau Akoga i te Hikimi Hikolahipi a te Malo o Tokelau : Niuhiia ma Auhetalia

Ona ko he tonu pe ko he fakatonuga foki mai te Malo o Tokelau, ko fanau akoga i te Hikimi Hikolahipi a Tokelau e i na akoga i na fenua kua takua, e tatau ke toe fakafoki mai ki Tokelau.

Kae, kafai na matua e fai he la tonu ke fakaauau pea na akoakoga a latou fanau i na nuku e nonofo akoga ai ona e kikila e hili atu ai te tulaga o na tautuaga tau olamalolo, ko na aiaiga la ienei:

- ☐ E he toe iei he vaega i ho he itu e gafa ma te Malo o Tokelau i tua mai o te taimi na tatau ai ke toe foki mai ki Tokelau. Ka gafa lava ma na matua te kikilaga o a latou fanau i Niuhiia ma Auhetalia.
- ☐ Kua uma te totogi o na pili akoga ma na fale e nonofo ai mo te afa muamua o te tauhaga mo ki latou e i te Hikimi Hikolahipi e vena ma na alauni ke pa mai ki te vaiaho nei
- ☐ E fakaauau pea te maua o te alauni akoga e tuha ai ma na tukutukuga o te Hikolahipi kafai e fakaauau pea a latou akoakoga.

Fanau Akoga i na Kohi mo he Taimi Pukupuku

1. Ko na hikolahipi kua takua (STTA) e fakatupe e te Malo o Niuhiia kui mai i te Ofiha mo te Va ki Fafo ma na Fakatauakiga.
2. E toka 4 ia fanau akoga e i te hikimi tenei i Manukau, Hamilton, ma Invercargil. Ko na kohi ienei e 6 – 12 mahina.
3. Ko te tonu ki te tulaga e fakagaoi ai na fanau akoga ienei e talanoa fakatahi kiei te Malo o Tokelau ma te Ofiha mo te Va ki Fafo ma na Fakatauakiga.
4. Kae mo te taimi nei, kikila fakalelei ma matāla ki te tulaga olamalolo o koe ma to kaiga – mulimuli ki na lapatakiga mai te Matagaluega Olamalolo

Peleni mote puipuiga ma te tapenapena a Tokelau mo te famai COVID 19 (*Coronavirus*)

Mati 2020

FAKAMATALAGA PUKUPUKU E UIGA KI TE HIAMA/ FAMAI – COVID 19

1. E ve ko na auga o te tauale Fulū (*tale, fiva, faigata te manava* mtm)
2. *Nae I he koga e peehi ai te famai; nofo tafapili ki he tino e maua I te famai; galue I he koga e taukikila ai ki latou kua maua I te famai*
3. Na kamata I Haina, I te kamataga o Ianuali 2020 ma kua peehi ki ie tahi atunuku o te lalolagi e I loto ai ia Auhetalia ma Niuhila.
4. E heki lahi te iloa ki tenei famai ke atili malamalama mooni kite uiga o te hiamā ma e heki iei foki he togafitiga pe he tui puipuia mo te famai
5. Kua feoloolo foki te aofaki o tagata e maliliu ai
6. E pakia lahi kilatou kua 60 tauhaga ki luga te matutua, kae maihe ia kilatou e maua I ni e tahi tauale e ve ko te tauale fatu, fatugako ma te huka.

TULAGA KUA IEI TE FAMAI – COVID 19 I TE TAIMI NEI (7Mati 2020)

- **I te lalolagi katoa :**

- kua toka 101,927 **105 586** ia tagata kua fakamautinoa kua maua I te famai (3735 **3656** e 24 itula kua teka)

- **I Haina**

- 80, 813 **80859** ia tagata kua fakamautinoa (**102 46** te 24 itula kua teka)
- 3073 **3100** ia tino kua maliliu (28 **27** I te 24 itula kua teka)

- **I fafo o Haina**

- 21,110 **24,727** ia tagata kua fakamautinoa (**3633 3610** I te 24 itula kua teka)
- 413 **484** ia tino maliliu (78 **71** I te 24 itula kua teka)
- **93 101** ia atunuku kua iei te famai tenei e kehe mai na koga lava o Haina

- **Niuhila ma Auhetalia**

- 5 ia tagata kua fakamautinoa I NZ (1 **0** I te 24 itula kua teka)
- 62 **74** i Auhetalia (5 **12** ite 24 itula kua teka), 2 **3** ia tino kua maliliu

Akoakoga mai Haina

- Vave te fakahalau ona Akoakoga ma na fautuaga ki tagata mo te puipuia o ki latou- fakaaoga ona mask, fafano ma te fakaaoga e tagata na fautuaga (*comparison*)
- Vave kitea kilatou e tauale ma vave ona togafitiga (mild) ma te *isolate* o kilatou na nofo latalata ki te ia kua maua I te famai (*close contact quarantine-home isolation*)
- Taofi ona fakatahiga lalahi e nunu ki ei ia tagata
- Fakaitiitia te eva o tagata – tapunia o Wuhan /tagata nonofo ina fale – hihitemi mo te hiakiga o tagata ina fale
- Toe fatufatu te malo-fakamuamua te COVID19- task force

“Taki”mo te peleni a Tokelau

1. E he lava te iloa ma te mafai ona Falemai I Tokelau ke togafiti ai na tauale e pa ki he tulaga fakapokepoke
2. Ko te fakamoemoega ke **taofi te tauale ke na he pa mai ki Tokelau**
3. Kafai foki ka pa mai ki Tokelau
 - Ke **vave iloa ma togafiti**
 - Ke **taofiofi ke na he toe maua ai he tahi tino**
4. E manakomia ki tatou uma ke **galulue fakatahi** ke puipui mai ia Tokelau mai te Corona

Ko hea te fai ke Taofi te COVID 19 ke na he pa mai ki Tokelau?

1. Fakatatiaga mo tagata malaga mai ki Tokelau (*border restrictions and entry requirements*)
2. Hiakiga o pahehe ma na kauvaka uma i te uafu i Apia ka ko heki teka mai te vaka ki Tokelau

FAKATATIAGA MO TAGATA MALAGA MAI KI TOKELAU

1. Ko pahehe uma (tagata Tokelau/ tino ahiahi) e malaga mai ki Tokelau mai Apia e manakomia ke iei ha na lipoti e fakamaonia ai ko ia e he maua I na auga o na tauale o te mama (ARI/ILI)
2. Ko ho he pahehe (tagata Tokelau/ tino ahiahi) na malaga pe na kui ifo tana malaga I **China, Korea, Japan, Iran, Italy, Hong Kong, Singapore, France, Germany, Spain and United States of America, Switzerland, The United Kingdom, Sweden, Netherlands, Norway, ma Belgium** ka **he talia** ke malaga mai ki Tokelau. *(ko te lihi tenei e onoono haele ma toe fakaopoopo na tahi fenua fua ki te tulaga kua iei te famai)*
3. Ko na tino ahiahi uma ki Tokelau ka na malaga pe na kui ifo I na fenua kua fakamautinoa e maua ai te hiamā, ka he talia ke malaga mai ki Tokelau. *(kamata lava I te aho kua fakamautinoa ai. Ko te lihi tenei e onoono haele ma fakaopoopo ina aho lava kua fakamautinoa ai)*

Taki mo te malaga mai I Hamoa ki Tokelau fkauau....

4. Ko tagata Tokelau uma fakatahi ai ma kilatou e he ni Tokelau ka e fakafaigaluega e te malo o Tokelau e malaga pe na kui ifo I na fenua kua maua ai te hiamā, e kehe mai ai kilatou e tākua ite numela 2, e tatau ke nofo I Hamoa pe ko he tahi atunuku e he ki maua ai te hiamā COVID 19, mo ni aho e 14 ma e manakomia foki ke iei ho lipoti e fakamaonia ai ko koe e he maua I na auga o na tauale o te mama kae (ARI/ILI) ko heki malaga koe ki Tokelau.
- *Ko pahehe uma (tagata Tokelau/Ahiahi) e malaga mai pe kui mai tana malaga I na fenua kua maua ai te hiamā, ka he talia ke malaga mai ki Tokelau. E oloolo haele e te Tokelau National Executive Board pe ka kamata tenei afea, fua kina fautuaga a te Mataeke o te Ola Malolo.*
4. Ko na pahehe (tagata Tokelau/Ahiahi) e malaga mai I na atunuku e heki maua ai te corona e manakomia ke iei ha na lipoti e fakamaonia ai ko ia e he maua I na auga o na tauale o te mama (ARI/ILI) fatioa talia ai

Taki mo te malaga mai I Hamoa ki Tokelau fkauau....

6. Ko na pahehe (tagata Tokelau/ ahiahi) nae nonofo I Hamoa i he piliota e ova atu I te 14 aho e manakomia ke iei ha na lipoti e fakamaonia ai ko ia e he maua I na auga o na tauale o te mama (ARI/ILI) fatoa talia ai ke malaga ki Tokelau. (e aofia ai kilatou na malaga mai I fafo atu o Hamoa oi nonofo ai I he piliota e ova atu I te 14 aho.
7. **Ko na pahehe (tagata Tokelau/ahiahi)** e malaga mai i Tokelau ki Apia ma to na lipoti e fakamaonia ai te tulaga o na tauale o te mama, ma e toe liliu ki Tokelau I he piliota e he ova atu I te 14 aho, ma e heki malaga ki fafo atu o Hamoa, e mafai ke fakaaogā pea te lipoti tenei mai Tokelau ke fakamaonia ai te tulaga o to na ola malolo I na tauale o te mama ke toe malaga ai ki Tokelau.

Taki mo te malaga mai I Hamoa ki Tokelau fkauau....


9. Ko na pahehe uma e he iei pe he fakamaliegia to na lipoti mai te Fomai, ke fakamaonia ai te tulaga o to na ola malolo I na tauale o te mama, ka he talia ke malaga ki Tokelau. Ko tenei na kamata fakagalue I te aho 11th Fepuali 2020.
10. Ka fai kua iei he lipoti e fakamaonia ai he tino kua mahalogia e maua ai te hiamia ko te corona I Hamoa, ka tapuni ai loa te faigamalaga I te va o Hamoa ma Tokelau (***ka onoono totoka te vaega tenei***)

HIAKIGA ONA PAHEHEI APIA (SCREENING IN APIA)

1. E hiaki uma na pahehe ma na kauvaka e te kau faigaluega o te ola malolo I Apia mo na auga o te COVID 19 fakatino I te uafu
2. Toe fakamautinoa na pepa fakamaonia mai te fomai – COVID 19 ma te mihela foki
3. Ko na pahehe e kitea ki ei ni auga o te corona ka he talia ke hopo ki te vaka ke malaga ki Tokelau
4. Ko na fakamaumauga uma I te hiakiga I Apia e fakailoa uma mai ki na falemai taki tahi ke tapena agai kiei a latou hiakiga I te taunuku mai o te vaka ki fenua

**Ko hea te fai/ tutupu ka fai kuaiei he tino
e mahalogia kua maua ai te hiamā
Corona I Tokelau?**

TAPENAPENAGA A TOKELAU MO TE COVID 19



I luga o te vaka e malaga mai ki Tokelau

1. He tiute e o te Kapiteni ma te kau vaka ke matau ho he pahehe e mahalogia e maua I na auga o te corona
2. Fakaatea kehe mai te/na pahehe e matea kiei na auga o te corona ke he toe nonofo fakatahi ma te tokalahiga o te pahehe
3. E tatau ona logo pe fakailoa ifo e te Kapiteni ki te kauhaga o te Ola Malolo I te nuku e tau atu kiei te vaka ka fai kua iei he/ni tauale e mahalogia e maua I na auga o te corona
4. *PPEs to be available on board*

Hiakiga o te pahehe mai Apia I Tokelau

1. Ko te vaega muamua tenei e tau mai kiei te pahehe ka fai e ake mai ki gauta – He koga e tu kehe mai te koga e iei na tahi tino e fakatali na pahehe
2. Hiaki e te kaufaigaluega o te ola malolo na pahehe uma na omai I Apia mo na auga o te corona. *(standard template for screening in all centres)*
3. Fakapatino te kaufaigaluega e gafa ma te kaumaiga o te pahehe ki gauta (kaufaigaluega a te Puluenuku –lanihi & gauta I te uafu)-*needs training on preventative measures before work*
 1. Te kau faigaluega (4-5) le fai ho latou mask ma ke I luga o te lanihi ni fagu fafano (hand sanitizer) ke fakaaoga e te kau faigaluega
 2. Pahehe uma ke omamai ki gauta I te vaka muamua. Fai ko latou masks uma I luga o te vaka ka ko heki o ifo ki te barge ki gauta
 3. Taofi te galuega ke maea te hiakiga ona pahehe
4. Fakamalohia ke taofi uma na pahehe o ietahi kauafua I luga o vaka ke he omai ki gauta

Hiakiga o te pahehe mai Apia I Tokelau.....

1. I te taimi nei e **he** manakomia ke hiaki na pahehe e malaga mai te vai fenua
2. Ko na pahehe e lelei o latou hiakiga, e olo lava ki te fale kae ka fai ma hiaki I aho uma e te kaufaigaluega mo he pilota 14 aho ke mautinoa e he maua I ni auga o te corona
 - Ka fai kua matau e he pahehe kua maua I ni auga o te corona ke fehokotaki vave te kaufaigaluega mo he fehoahoaniga
 - E taua lahi ke fakaaogā na kope ma na faiga e puipuia ai te peehi o te hiamama mai te tahi tino ki te tahi tino

Kafai kua iei he pahehe e mahalogia COVID 19 mai te hiakiga ona pahehe mai Apia

1. Tapena mo te momoliga ki te falemai (fakahako mai te koga e hiaki ai I te ava ki te koga fakapitoa I te falemai kua tapena
 - Fakatino uma na vaega e fakaitiitia ai te peehi o te hiamā e kilatou uma e aofia I te fefaiakiga o te tauale I te taimi tena
2. E fakatino na hiakiga a te fōmai ma fakamautinoa mai pe mahalogia pe heai
3. Kafai e fakamautinoa e te fōmai e mahalogia, isolate I te falemai
4. ka fakatino na vaega e tatau ai ke toe fakamama (*disinfect*) te vaka ma te tavale na fakaaoga mo te momoliga o te pahehe kua mahalogia

kafai kuaiei he pahehe e mahalogia COVID 19 mai te hiakiga ona pahehe mai Apia

5. Ko na tahi pahehe ka

- Ka olo uma ki te koga fakapitoa ka quarantine ai ki latou I luga ona nuku takitahi.
- Ko na pahehe ana tahi nuku na malaga fakatahi mai I te vaka, ka fakahako uma ki te quarantine ina koga fakapitoa I luga ona nuku takitahi mo he 14 aho
- E fakaauau na hiakiga ona pahehe I aho uma ena kau faigaluega o te falemai

6. Ka logo ete fomaini te komiti mo na fakalavelave fakafuaheki a te Nuku mo he tonu ke fakailoa te tulaga kuaiei ma ke fakatino na fakatatiaga *state of alert* I luga o te nuku

Ma logo foki te Health Emergency Response team mo te hokotakiga
ki te National emergency response team – Declare state of Alert for
Tokelau

7. Fakaauau na fehoahoaniga mo te pahehe I te falemai ma tapena na vaega e manakomia ke momoli ki Niu Hila mo te Fale tui toto

Ko na tauale e hiaki i aho uma e ve ona mahani ai

(Outpatient at the hospital)

1. E lua ia auala e mafai ke matau mai ai ni tino e mahalogia mo te COVID 19 – hiakiga ona pahehe mai Apia pe ko na hiakiga ina falemai (outpatient)
2. Kua fautuagia na falemai uma keiei he koga fakapitoa ina falemai e fakapatino ke hiaki ai ia kilatou e maua i te fulu ma ietahi tauale o te mama (ARI/ILI).
 - Ke na he toe opotia ia kilatou ienei ma ietahi itukaiga tauale e fakatalitali mo na hiakiga
 - Ko kinei foki kua tapena ke hiaki ai ho he tino e mahalogia kua maua i te hiam corona
3. Te kaufaigaluega fakapitoa ke gafa ma na itukaiga tauale ienei . Ko kilatou ienei ka he toe faigaluega i ietahi tautuaga faka te ola malolo *kafai kua ie he tauale kua mahalogia*

Hea te tutupu kafai kua iei he tauale mahalogia

(State of alert –Nukunonu/Tokelau)

1. Tapuni te akoga
2. Taofi na fakatahiga fakamua, fakalapotopotoga mtm
3. Fakaitiitia/ fakaheai na mafutaga e nunu ai ia tagata
4. Lolotu ki kaiga (malolo na lotu fai fakatahi a te Ekalehia)
5. Fakatino na vaega e fakaitiitia ai te maua o koe e te hiamā
(*personal preventative measures*)
6. Ko tagata ke malolo lava i loto ona kaiga
7. Kikila totoka ki ni auala e mafai ia tagata nuku ke fakatau i te koloa ke na he nunu ki te koloa i he taimi fokotahi

Hea te tutupu kawai kua iei he tauale mahalogia (State of alert –Nukunonu/Tokelau).....

- Tapuni katoa te falemai mo ni ietahi tautuaga kae ka fakapatino lava mo na tauale e mahalogia pe fakamaonia foki I te corona (Fakaofu/Nukunonu) –Atafu I Matagi hotel
 - Tapena loa na tahi tautuaga fakafalemai ki te koga kua tapena I luga ona nuku takitahi (Fakaofu/Nukunonu- Aoga, Atafu-Lomaloma)
8. Tapuni te vai fenua (FF & AA) vagana ai ni mafuaaga tatau fktg, meakai/hapalai fualakau/ vailakau
- Ko na tonu ienei e fai e te komiti mo na fakalavelave fakafuaheki a Tokelau I te fautuaga a te Mataeke o te ola malolo
9. Taalogologo ete Mataeke- te Ola malolo NZ ma te WHO mo na fehoahoaniga e manakomia

Hea te tutupu kawai kua Fakamaonia kua maua te Corona- faletui toto NZ?

- Fakafehokotaki loa ia kilatou e tataua ona logo kae ke fakailoa aloakia ki te Nuku/ Atunuku te tulaga faigata kua iei ia Tokelau ma te corona (declare state of emergency)
- Toe fakamaakeke te tulaga o na tauatuaga I te falemai
- Toe fakamaakeke ma fakamanatu pea ki tagata na faiga e puipuia ai te peehi o te hiamaa
- Fakamaakeke te tapenaga ona lipoti I aho uma mo na Nuku/ Malo ma na paaga I fafo atu ke matau haele ai te tulaga o te famai ve na ma ni fehoahoaniga e manakomia

Fehoahoaniga mo na tauale kua faigata o na ko te corona

1. Kua talohaga ki te Mataeake o te ola malolo o Niuhila mo he fehoahoaniga tau tino faigaluega ve na ma ni kope faigaluega ona ko te tulaga ka lua ia falemai I te taimi e maua ai e kitatou te hiamā (*falemai mo te corona & falemai mo ietahi tautuaga*)
2. Na tuku foki te talohaga mo he latou kauhaga fakapitoa ke fefaiaki e kilatou na tauale fakapokepoke (ICU) I luga o na motu e tolu
 - Ke omamai ma na kope ma na tino e iate ki latou te poto fakapitoa
 - Ke omamai foki I te latou vaka ka ke fakafaigofie na fehoahoaniga mo na motu e tolu

Maliu ma te tanuga

- Moni Ko te fakamoemoega ke na he maliu he tino , ka e tatau pea ki tatou ke nofo tapena
- Kafai kua tutupu, e tapena fakapitoa e na kau faigaluega ma e tatau ke tanu vave
- Kua tapena foki na falemai mo na vaega e manakomia

Tapunia o te tuakoi (border) ma Samoa

- Kafai kua fakamautinoa he COVID 19 I Samoa, kua tapuni ai te tuakoi ma Samoa ke na he toe iei ni pahehe e omamai mai Apia pe o atu ki Apia
- E iei he avanoa e foki mo na kau faigaluega fakapitoa mo na tautuaga fakafalemai ke omamai ke fehoahoani ki na tokafitiga ona tauale I luga o Tokelau
 - Matau ko na tauale COVID 19 e he mafai ke kavatu ki fafo aua na Tulafono mo na tauale peehi
- E he toe fakaauau na polokalame mahani mo na vaka ka e iei na avanoa mo na hapalai meakai, vailakau/fualakau, Huau I te tonu a te Komiti mo na fakalavelave fakafuaheki ma te fautuaga a te Ola malolo
 - Kua iei foki te kikila ki te fakatinoga ona galuega ina nuku takitahi kafai kua pa mai te vaka ke na he peehi ai te famai
- Mona tahi tauale fakafuaheki, e koi fakaauau pea ka e tatau ia Tokelau ke fakaeteete aua te tulaga ona tuakoi I Hamoa ma Niuhila (*manakomia te fehoahoaniga fakava o malo mo na vaega ienei kafai kua tapuni na tuakoi*)

Tulaga kuaiei na tapenapenaga i te taimi nei

1. E fakaauau pea te fakatinoga ona vaega manakomia mo ki latou e malaga mai ki Tokelau (*fenua e he talia ke malaga mai ma na fenua kua fakamautinoa kua maua ai te COVID 19*)
2. E fakaauau pea na hiakiga o pahehe ma na kauvaka i Apia ka ko heki teka mai te vaka
 - Ei ei na vaega e manakomia ke toe fakalelei atili ma e galulue kiei te SMT
3. Kua matau kua talatalanoa foki na nuku ki na vaega e tatau ke tapena ki ei na nuku takitahi
 - Galuega vaka/lakuga mai o pahehe
 - Tapena o te akoga/matagi mo te COVID 19

Tulaga kua iei na tapenapenaga I te taimi nei

Fakateola malolo

- Kua iei te ota mo na hapalai fualakau/vailakau kua totogi ma talia nei
- Kua iei foki ma na lihi ona kope likiliki e manakomia ina falemai takitahi ma kua tuku atu te order kina suppliers
- Kua tuku atu te talohaga ki te MFAT mo he mahini fakapitoa mo na Okehene
**Oxygen filling station* ka ke mafai ke maua lava na okehene I luga o Tokelau
- Kua kau mai foki e te Mataeke na tahi fagu okehene lalahi fakaopoopo taki 5 mo na falemai takitahi e kehe mai na fagu keehi nae I loto ona falemai
- Na talohaga ki te WHO mo na PPEs ma kua pa mai kina falemai takitahi.
- Kua toe kau mai e te Mataeke na tahi PPEs ke fakalahi ai na vaega na maua mai I te WHO e I loto ai na thermoscan mo na falemai takitahi(2@) ka e fakatali nei na tahi mahini.

Tulaga kua iei na tapenapenaga I te taimi nei

- Kua fakatino na akoakoga mo na kau faigaluega I Apia e iloto ai na kau faigaluega I luga o vaka
- E loma nei te malaga mai a te WHO mo na akoakoga ma tahi fehoahoaniga mo a tatou tapenapenaga I Tokelau ite vaka ka hohoko
- E loma nei te akoakoga fakapitoa mo te tapenaga o na vaega e manakomia mo te fale tuitoto ke fakamautinoa COVID 19 , I Apia I Apelila ma kua Talia mai e te SPC ke fund te toka lua ma ka gafa te Mataeke ma te tahi ke tokatolu aua e manakomia mo na motu e tolu
- e lahi na avanoa akoako mo na kau faigaluega ola malolo (*online*) e free mai te WHO agai ki te COVID 19 I ho he vaega ona tautuaga
- Kua tatia na taki mo te fakatinoga ona tautuaga I luga ona falemai ki na vaega vaele mo te COVID 19 (*WHO guidelines*)
- E matau te lavaki ona kau faigaluega ma kua fakatalatalanoa te Ahohi a na teine foma'i a Fiti (retired midwives and NP) mo te latou fehoahoaniga

Tulaga kua iei na tapenapenaga I te taimi nei

- E fakaauau na talatalanoaga ate Mataeke ma te Mataeke o te Ola malolo NZ vena foki te WHO ki na tapenapenaga a Tokelau ma na vaega e manakomia
- E fakaauau na fonotaga fakatahi ana Mataeke ote ola malolo o te Pahefika ma te WHO i aho Valaile uma mo na tapenapenaga mo te COVID 19
- E fakaauau foki na fonotaga ana falemai e tolu I Tokelau, Mataeke mate kau faigaluega I Apia agai kina tapenapenaga mo te COVID 19
- E fakaauau foki te hokotaga a te Mataeke ma te Mataeke o te Ola malolo Hamoa agai ki te COVID 19
- Kua kamata galulue fakatahi na komiti mo na fakalavelave fakafuaheki ona nuku ma te ola malolo I te fakamakekega ona tapenapenaga ina nuku takitahi

Lukitau mona Tapenapenaga kuaiei....

- Fakatupega-
 - Fakafanoga tupe kuaiei (measles/COVID 19)
 - Manakoga mo na tapenapenaga Mote COVID 19 (*medical supplies/medical equipment, supporting human resources, PPEs mtm*)
- Ko te tuai tautali mai na falemai kae maihe na lipotiga maina falemai (*internet access issues*)
- E he manino te fakatatiaga o te fakatinoga ona vaega vaele o te Peleni fkt. Ko ai patino e ia taukikila ma fakamautinoa ko na vaega mo na pahehe e malaga mai ki Tokelau e fakataunuku e ve ko te fakatatiaga?

**DISEASE
SURVEILLANCE**

**Weekly syndromic reporting from
each Hospital in Tokelau**

**Reporting & Updated Reports to
and for PPHSN (SPC/WHO
technical experts)**

Tokelau Public health disease surveillance committee

*(local medical officers/health managers, local Public health officers,
Health Manager -Apia, Public Health Advisor , Chief clinical advisor and
Director of Health)*

Official Public Information

**Minister of
Health**

Director of Health


3 Hospitals

Ongoing Government

Taupulega (3)

Departments

General Public



TOKELAU NATIONAL EXECUTIVE BOARD FOR DISEASE CONTROL & EMERGENCY RESPONSE

Chair: Ulu o Tokelau (Faipule Fakaofu)
Minister for Health (Faipule Nukunonu) ; Faipule Atafu
Administrator of Tokelau



TOKELAU NATIONAL ADVISORY COMMITTEE FOR DISEASE CONTROL & EMERGENCY RESPONSE

Chair: National General Manager

* Directors of Health; Transport & Support services; Finance, Teletok; Coordinator-Office Taupulega FF *GM office Taupulega Nkunonu* Director-Office of Taupulega Atafu



ATAFU EXECUTIVE COMMITTEE FOR DISEASE CONTROL & EMERGENCY RESPONSE

Chair: Pulenuku
Faipule
Director-Office of Taupulega
Local Medical Officer /Public health Advisor



NUKUNONU EXECUTIVE COMMITTEE FOR DISEASE CONTROL & EMERGENCY RESPONSE

Chair: Pulenuku
Faipule
GM-Office of Taupulega
Local Medical Officer
Public health Advisor



FAKAOFO EXECUTIVE COMMITTEE FOR DISEASE CONTROL & EMERGENCY RESPONSE

Chair: Pulenuku
Faipule
Coordinator-Office of Taupulega
Local Medical Officer
Public health Advisor

Fautuaga

**TOKELAU KE TAHI
TOKELAU KE OLA**



MATAEKE O AKOAKOGA

DEPARTMENT OF EDUCATION

Atafu, TOKELAU
Ph: (0690) 22178, 22137
Fax: (0690) 2108

Tokelau

TALO, Savalalo, Apia
Ph: (0685) 20822, 20823
Fax: (0685) 217610:

AUATAGA O TE TAUTAI AKE 2

Aholulu 11 Mati 2020

1. E ko lagona toku fiafia i tenei taeao fou, ke kavea te vaega tenei ma kamataga o oku tiute faka- Minihita o Akoakoga, ke fakaaloakia te lakahaga tenei i na galuega fakatino mo te atiakega o te Gagana Tokelau, ko te polokalame tenei e takua ko te Tautai Ake 2.
2. Ko te gagana ma te aganuku a Tokelau, ko ni vaega taua ma ko ni vaega e malohi te kikila kiei a te Mataeke o Akoakoga, i ana galuega atiake mo na tauhaga e hau ma e fakaaauau pea lava na galuega ienei.
3. Ko te Peleni Takiala mo Akoakoga 2020 ki te 2025 e fakamuamua ai te hini veia – *Ke olatia te gagana ma te aganuku a Tokelau* – kua iei la na galuega kua fakatino ke fakalahi ai ni tuhi faitau ma ni tuhituhiga i te gagana Tokelau e fakaaoga ai na metotia tau alāleo fakaonaponei ke fakaaoga i loto o na akoga.

Mafuaga e Fakataua Ai

4. Ko te kupu Tokelau - 'tūtia' mai te alagakupu "Tūtia te po ke ao" (ko te tauivi o au i te po katoa ke otea) ko he tatalo e a tautai i te taimi e faifaiva ai i moana, ma ko he tatalo ke maua he malohi, te onohai, ke tumau ma loto tauivi ke pa ki te ao. Ko te tutia pe ko te olatia i te faka-Tokelau e opoipoi ai

te tauivi pea, te onohai, te malohi, ma te tumau, ko ni malohiaga e fetaui tonu ma na tautuaga e fai mo he kaiga pe mo ni etahi tino.” (Kalolo, 2019).

5. Ko te gagana e filo fakatahi ai te atiakega o fanau tamaiti ma fanau talavou ke olatia. Ko te latou gagana ma te olaga e ola ake ai, e fatufatu ai a latou takutinoga loloto, te latou malamalama ki ietahi tino ma a latou aganuku, na mea e talitonu kiei, na mafaufauga ma te hokotaga atu ki te hikomaga e iei ai vena ma te va ki ietahi tino. Ko na vaega iena e tuku fakaholo ki a latou fanau ma ko te atiakega totino ma te fakahinomaga tena o he tino.
6. Kafai kua iei he lagona mautinoa i he tino pe ko ai ia ma maua e ia te iloa ma te poto mahani ke ola ai i loto o te hikomaga e ola ake ai, e atili fakamakeke ai tona tuputupu ake ke kavea ma tino e olatia tona olaga, i loto o ho he koga o te lalolagi e aumau ai.
7. Ko te peleni mo te gagana ma te aganuku a Tokelau e fakamuamua ai te fakatauaga o te gagana ma te aganuku ma ko ni vaega e mafai ke fakamakeke ai ia fanau ke ola i he olaga olatia.
8. E lahi na huiga e maua mai i ni galuega tauatiake e fai ki te gagana Tokelau. E mautinoa lava ko tamaiti ka atili fiafia ki te akoga ona ko na tuhi faitau ma ietahi lihohi akoakoga e fakaaoga ai te latou gagana muamua, ko te faka-Tokelau.
9. Ko fanau akoga ka hili atu te lelei o te latou faitau, tuhituhi, fakalogo vena ma te tautala i te gagana Tokelau ona ko te makeke o te fakavae, i te tulaga o na lihohi i te gagana. Ka mafai ai foki ke agavaka i te fakaaogaga o te gagana Tokelau.
10. Ka tatia lelei te fakavae mo te faitau, te tuhituhi, te fakalogo ma te tautala i te gagana Tokelau, fakatahi ai ma ni faiakoga pahi, ma he polokalame fakatatia lelei mo te akoakoga o te Igilihi, e pa foki ki he tulaga lelei o fanau akoga i te fakaaogaga o te Igilihi.
11. E lahi te fakatupega e manakomia ke atiake ai ke agai ki mua te tulaga o te gagana Tokelau.

12. Ko te taimi nei e fia molimoli atu he fakafetai fakapitoa ki te Matagaluega a Auhetalia mo te Va ki Fafo ma na Fakatauakiga, ona ko te lahi o te fehoahoaniga tautupe na fakamatuku mai. Talu mai te 2016 ki te fakaikuga o Iuni 2019, e tuha kua maua te tahi miliona ma te helau hefulu lima afe (\$1,115,000) tala Niu Hila mai te matagaluega tenei mo te faiga o na Lihohi i te Gagana Tokelau.
13. Ke fai au ma hui o te Malo o Tokelau, ke kavatu atu ai he fakafetai lahi lele ki te Malo o Auhetalia mo te amanakia o te tatou gagana, ko he vaega taua vena ma te taua o te tatou aganuku mo te atiakega o a tatou fanau akoga ke maua e ki latou he olaga e olatia, vena ma te fakamautinoga e iei ni tuhi faitau fou mo te atiakega o te matou gagana.
14. Ko te 2018 te na auata ai te Polokalame Tautai Ake muamua, na iei ai na tuhi faitau e 33, ko ni tuhi faitau lalahi, ni tuhi mo fanau akoga ma ni lipine puke ke fehoahoani ki te faitau.
15. Ko na tuhi e koutou kitea mai ki kinei, ko te lakahaga e 2 o te Tautai Ake, e 63 ia tuhi faitau kehekehe, e iei na tuhi lalahi, na tuhi mo fanau akoga vena ma na lipine puke e fehoahoani ki te faitau.
16. Ko he vaega taua e fia fakailoa atu kua lahi atu nei na tuhi e fehoahoani ki fanau akoga ke atili fiafia ai ki na matakupu tau Haienihi. Nae fia maua ni tuhituhiga tau Haienihi i te gagana Tokelau, vena ma te fakalahi atu o ni kupu te faka-Tokelau i na matakupu tau Haienihi. E lua ia tuhi faitau e taua i na tuhi ienei, ko te tala ki te fāime (whale shark) i Nukunonu.
17. E fa ia tuhi kua tuku ki te initaneti mo fanau akoga, ke faitau kiei ia latou mahini fekaveaki fakaonaponei. E momoli ai foki ma he fakafetai lahi ki te UNESCO mo te fakatupega e USD4700 na fakatupe ai te galuega tenei mo ni tuhi venei e fa.
18. E ono pa ki he taimi e lahi ai ni lihohi valevale e tapena lelei i te gagana Tokelau. Ko te taimi nei kua malilie te Matagaluega a Auhetalia mo te Va ki Fafo ma na Fakatauakiga ke toe tuku mai he tahi vaega tupe mo te Tautai Ake 3, e tuha ai ma te tonu a te Fono Fakamua ia Oketopa 2019.

19. Kua kamata na galuega mo te Tautai Ake 3. Ka iei na lihohi e fakaaoga ai na fehokotakiga fakaonaponei, ka kamata fatu he tuatui initaneti (website) ke fakahalalau ma fakamau ai na lihohi uma lele kua maua mai i te polokalame Tautai Ake, kae ke fakafaigofie ai foki te galuega a faiakoga ma mafai foki ke maua e tagata Tokelau e aumau i fafo.
20. E fia ko fakaamanakia foki te hao lahi lele o na nuku ki te tuhiga o na tuhi. E fia kave fakapitoa haku fakafetai ki te Komiti o te Gagana a Nukunonu vena foki he hui mai Fakaofu mo a latou galuega fita ki te hiakiga o na tuhi takitahi, i na lakahaga takitahi uma o te galuega, mai te kamataga i te fakaliliuga ke pa lava ki na toe vaega vena ma na galuega mo te pukega o na lipine.
21. E fia fakafetai foki au ki na uho Tokelau i Niuhila mo te latou hao ki te tapukega o na lipine ma te latou agaga galulue fakatahi ma te kaufaigaluega nae gafa ma te fakatinoga o na vaega ienei.
22. E iei foki he tahi vaega taua kua maua mai i te polokalame tenei, ko te iloa ma te mafai o na tuhitala, na tino tuhi ata, ma na tino fakaliliu. Ko te mafai tenei kua maua, e fehoahoani ke fakaaau ai na galuega mo te atiakega o te gagana Tokelau.
23. Kua kitea foki kua iei na kupu fou kua maua i te gagana Tokelau, e tuha ai ma na galuega fakaliliu ma te fatuga o ni kupu fou mo na matakupu nae he maua ai ni tuhituhiga muamua i te gagana Tokelau, kae maihe lava i na matakupu tau haienihi.
24. Ko te Tautai Ake 3 ka lahi atu ai te fakaaoga o na mahini fekaveaki ona ko te faiga ia ka fakahalalau ma fakamau ai na lihohi i te gagana Tokelau. E ono fiafia kiei ia fanau akoga o te henituli 21. E mautinoa lava ko na galuega atiake venei e fakamautinoa ai ko Tokelau e fakaaau pea te ola ma te fakaaoga o te gagana Tokelau, ma ka mafai ke tokalahi atu na tino e maua ma fakaaoga e ki latou. E fakamoemoe ko na galuega i te lumanaki ka kikila ai ki te Tuhi Fakamaina Kupu (Dictionary) i te gagana Tokelau.

25.Ko ni taimi o te fiafia ienei i te tulaga kua atiake ai te tatou gagana. Ko na tuhi faitau ienei ka fakalautele ai te malamalamaga ki ietahi vaega o te olaga, ka fehoahoani ki te atiakega o te mafai o fanau akoga oi faitau, tuhituhi, fakalogo ma tautala i te gagana. Ko te tatou koa tena e fia tuku fakaholo atu ki a tatou fanau - ko he gagana e maukoloa ma fiafia ki ei.

26.E toe fakafetai atu ki te Malo o Auhetalia kua maua mai ai na vaega ienei, vena na galuega fita a na tamana matutua o ki tatou vena ma na nuku mo na galuega fakatino kua mafai ai ke pa mai ki he tulaga e ve ona iei ai ki tatou i te taimi nei.

27.Ko te taima la tenei, e tatala aloakia ai te fakaaogaga o na tuhi ienei ma e valakaulia koutou ke matamata ma kikila ki na tuhi faitau ienei.

Fakafetai lahi lele

	TUPE FAKALEOLEO MO HE FAKALAVELAVE				
	Kaufaigaluega		Tautuaga Patino mo te Covid 19 (3 Atafu, 2 Nukunonu, 5 Fakaofu)	120,000	(1 Mahina)
	Hapalai Fakavave Tautuaga Ola Malolo		Tautuaga Patino mo te Covid 19	60,000	Fuafua mo he 3 mahina
	Felakuakiga		Felakuakiga o na koloa manakomia	120,000	
			TUPE FAKALEOLEO MO HE FAKALAVELAVE	300,000	
	TUPE TAPENAPENA	MATELE	FAKAMATALAGA	MATEMATE \$	
	Kope Patino Ola Malolo	Ola Malolo	Manakoga Patino mo ni tautali fakapitoa ma te pulepulega o te COVID	60,000	
	Kope Puipui o na Tautokatahi	Ola Malolo	Mo na puipui i na Falemai ma na tautuaga lautele o te Ola Malolo	30,000	
	Meafale mo na Falemai	Ola Malolo	Hofa fakaopoopo, na puipui, laulau, ma ietahi kope mo na tauale	50,000	
	Na tautuaga hiakiga o na pahehe	Ola Malolo	Falekie / Nofoa / Nofoa i na centres (4)	20,000	160,000
	hokotaga televave fanau akoga hikimi	Akoga	hokotaga televave	30,000	
	Toe Fakaliliu o Fanau Akoga	Akoga	Toe Fakaliliu maiga o na fanau akoga ma na kaufaigaluega tautua	75,000	
	Tapenapenaga ana nuku	Nuku	tapenapenaga mo te puipui o te famai	300,000	\$100,000 @
	Afi Moli Fakaleoleo	Nuku	6 ia afi moli fakaleoleo (\$5000 @ 6)(3 Atafu, 2 NN, 1 FF)	30,000	15000 Atafu; \$10000 5000 Fakaofu
	2 Mahini Huhunu	Ola Malolo	2 ia Mahini Huhunu (1 Atafu, 1 Fakaofu)	20,000	
	Eletihe	Malohiaga/Eletihe	fakalava te avanoa e tuku ai na huau i luga ona nuku takitahi	50,000	
	Felakuakiga o na hapalai	Femalagakiga / Tautuaga Lagolago	Malaga Fakaopoopo - Hapalai ki na nuku	120,000	
	Hokotaga	TELETOK	Fehokotakiga	100,000	
			FAKATUPEGA MO NA TAPENAPENAGA	\$ 885,000	

Ki te : Malo Fakaauau ma te Fono Fakamua

Mai te : Minihita o te Tupe ma te Malo Fakaauau

Aho : 1 Fepuali 2020

Matakupu : **ILOILOGA O TE TUPE I TE AFA TAUHAGA 2019-2020**

Kautu

1. Ko te kautu o te Pepa tenei ke tuku atu ai ni fautuaga ki te Fono Fakamua mo te iloiloiga o te tupe i te afa tauhaga ('iloiloga') o te 2019-2020.

Kotokotoga o te Lipoti

2. E heai he tupe maua fakaopopo e vaevae ona ko te he lahi o ni avanoa e lahi atu ai ni tupe maua. Ko na tama vaega e kitea ai ni tupe maua e fehoahoani ke fakatumu ai na vaega tupe na fuafua kae heki maua mai. E heai la he huiga ki na tupe maua.
3. E matau e kimatou mai na lipoti o te tauhaga nei, ko te lahiga o taimi, nae tauhihia pea na levolo o te paketi tupe na vaevae. Kae, e iei na vaega e heki tauhihia.
4. Ko te matou matauga, e iei na mataeke e fakaauau pea te ova o alatou fakafanoga tupe i ni vaega kua iei ai he taofiaga ma te Fono Fakamua. Ko kimatou e fautua atu ke fakamalohia te mulimuli taki ki na paketi tupe kua uma te pahia e te Fono Fakamua. Ona ko te he iei o ni tupe fakaopopo e maua, e he mafai na fakafanoga tupe kua ova ke fofo.
5. E na ko ni nai huiga te fautuagia ke fai kiei ni tonu. Ko te faiga e mahani fai i te taimi e heai ai he hikitaga ki na tupe maua, e toe hui te fakatulagaga o na paketi tupe ke mafai ai ke fai ni huiga e manakomia ke fai.
6. Kae, ona ko te he lahi o ni fautuaga mo ni huiga ke fai, ma ko na tupe e he ova e lahi mo na nuku, e fautuagia e kimatou na huiga ke fai ki te tulaga e fakafano ai na tupe na pahia.
7. Na fetaui te fakatotokaga o na lipoti tupe mo te Fono Fakamua o Novema ke fai kiei te tonu ke tokehe na tupe ova mai na paketi tupe. Kua fakatino te tonu tenei i te paketi tupe o te tauhaga tupe tenei.
8. Na iloilo e te Mataeke na talohaga tupe na tuku mai ma ko na vaega na kikila e talafeagai ke tuku atu ai ni fakamatalaga, e i loto o te pepa tenei .

Fakamatalaga i te Pepa Tenei

9. Ko na pepa fakaopopo ienei kua tuku atu ai na fakamatalaga ke fakamaina ai na teuteuga kua fautuagia mo te Iloiloga o te Tupe i te afa o te tauhaga tupe:

- **Pepa Fakaopopo 1**

Huiga kua fautuagia mo te iloiloiga o te afa tauhaga o te Tupe

- **Pepa Fakaopopo e 2**
Lipoti o na Fakafanoga Tupe o te 6 mahina e gata mai i te aho 31 Tehema 2019
- **Pepa Fakaopopo e 3**
Paleni o te Tino i Tupe ma na Fakatupega kua Tamau e gata mai i te aho 31 Tehema 2019
- **Pepa Fakaopopo e 4**
Paleni o na galuega atiake lalahi e gata mai i te aho 31 Tehema 2019

Huiga e Fautuagia mo te Iloiloga o te Tupe i te Afa Tauhaga – Tupe Maua

10. E he lahi ni tupe fakaopopo na maua ke fai kiei ni tonu i te iloiloga tenei. Ona ko te lalahi o na aofaki o te paketi tupe na pahia mo te tauhaga nei, ko na tupe fakaopopo na ono mafai ke vaevae kua fakatumu ai na vaega tupe nae manakomia kae heki maua.
11. Ko na matauga ki na tupe maua ma ni fautuaga;
 - a. Ko he \$1 miliona te kua fakaititia ai te Tupe Tauhi. Ko te fuafuaga mai te kamataga e maua mai te \$13.5 miliona ka ko he \$12.5 miliona te mahani maua mai i te Tupe Tauhi ka ko te \$1 miliona kua tamau mo ni polokalame fakapitoa. Ko na polokalame fakapitoa ienei, e maua ai na fakatupega e patino ki ni mataeke, ma ko ni fakatupega fakaopopo ki na paketi tupe kua uma te pahia. Ko na fakamaumauga o na tupe fakaopopo e maua mai i Niuhiila e kehe mai ma te tupe tauhi e i loto o te Pepa Fakaopopo e 4.
 - e. Ko te tupe mai na Lafoga o na totogi (CSL) e ono hiki i he \$450,000
 - i. Ko te tupe mai na Pahehe Vaka e ono hiki i he \$300,000
 - o. Ko te tupe mai na pahehe o na uta e ono hiki i he \$150,000
 - u. Ko te tupe mai na tiute e hiki i he \$100,000, kae e ono iei he huiga, ona ko te matou kikilaga, ko te iloiloga na fai e ono iei he tupe e toe totogi ki na Koloa a na nuku ona na ova na pili na totogi mo na hapalai.
 - f. Ko na tupe maua na fuafuagia mai na Faigafaiva e ono maua uma ka fua ki te maualuga o te tala Amelika, e paleni ai te taikole malie o te tupe maua i te tauhaga tupe tenei. Kae ko na tupe maua mai i na faiga faiva e ono fakaititia i te tauhaga tupe e hohoko.
 - g. E tuha ai ma na vaega kua takua i luga, e paleni lelei na tupe maua ma e heai he huiga ki te aofaki katoa o na tupe maua.

Huiga e Fautuagia mo te Iloiloga o te Tupe mo te Afa Tauhaga – Tupe Fakafano

12. E matau atu, ko na fakafanoga tupe i te afa muamua o te tauhaga e tafapili ki te paketi tupe na fuafuagia.
13. E tuha ai ma na tulaga mahani, e iei lava na tama vaega e manakomia ke fai kiei he kikilaga. Ko na vaega e manakomia ke fai kiei ni huiga e hokotaga lava ki na galuega e fakamuamua e te Malo, na tautuaga lagolago e taua lahi pe afia ai ni galuega e taki mai i fafo.
14. Ko na totogiga tupe a te Malo, e matau ai na tupe totogi mo te Tupe Tino Matua (OAP) e ova atu i te paketi tupe, ka nae kitea e pa ki he tulaga venei. Ona ko te tulaga e ve ona takua, e talitonu kimatou e talafeagai ke olo lava na vaega e 2 ienei i na paketi tupe na fuafua kiei muamua.
15. Na taumafai kimatou ke matau uma lele na manakoga ke na he afaina ai na tautuaga kua tonu ke fakatino, kae maihe i na vaega tau galuega atiake.
16. Kua fakamatea atu na vaega ienei i lalo. E manino ai foki lava na fakamatalaga ki na matakupu ienei.
17. E ui lava e heai ni tupe fakaopopo ke vaevae, ko na vaega e kimatou fautuagia e tatau ke fai kiei he kikilaga ko ienei:
 - a. Ko te Fakatahiga Fakateaganuku a te Pahefika i Haute i te 2020 e heki tuku atu mo he fakatupega ki te Fono Fakamua ma e kimatou fautuagia ke iei he vaega tupe e tuku atu kiei i te fono tenei. Ko te matou fautuaga ke kamatamata oi tuku kiei he \$150,000 ma na fuafua ki na fakatupega o na vaega venei i ni tauhaga kua teka.

Lipoti Tupe o te Afa-Tauhaga e gata mai i te aho 31 Tehema 2019

18. Ko te lipoti o te 6 mahina muamua o te tauhaga kua kotokoto atu i te pepa fakaopopo e 2, ka ko na fakamatalaga auiliili o na lipoti tupe na tuku ki na Pule Fakahoa o na paketi tupe ia lanuali.
19. Ko na matakupu e mulimuli mai e he ona ko te taimi e maua ai na tupe kae e iei ai na fakamatalaga taua;
 - i. Mai te kamataga, ko te aofaki o te tupe tauhi mai Niuhihi na fuafua e maua, na fai i te taimi o na talanoaga a te Komiti Tupe. Ka ko te paketi tupe na maua mai i te tupe tauhi kua mautinoa mo te tauhaga e \$12.5 miliona, ko te fakaitiitia o te aofaki tenei kua paleni tutuha ma na hikitaga mai ietahi tupe maua.
 - ii. Matau na fakamatalaga auiliili ki na tahi fakatupega mai Niuhihi e i te Pepa Fakaopopo e 4, ko te aofaki e \$17.1 miliona mo te taimi nei o te tauhaga tupe. Ko ietahi fakatupega fakaopopo mo na galuega tau Malohiaga mai te La ma te uaea i te tai e maua mai i te afa mulimuli o te tauhaga tupe tenei.

- iii. Ko na fakafanoga tupe mo na fakatupega mahani e holotonu ma te paketi tupe vagana ai ietahi mataeke, kua manakomia ke fai loa ni gaoioiga vave ke fakafano tonu ai na tupe ma te paketi tupe.
 - iv. Ko na fakafanoga tupe mo na galuega atiake lalahi e holotonu ma te paketi tupe ma e iei te kikilaga e holotonu ma na fakamoemoega ke pa ki te fakaikuga o te tauhaga tupe.
 - v. Ko te kikilaga katoa ki te tulaga o na vaega uma e lelei, vagana ai na fakafitauli kua fakamatea atu i luga.
20. Ko na fakafanoga tupe mo na galuega atiake lalahi i te afa tauhaga nei, i ho he vaega, e i lalo ifo o te paketi tupe. Ko he tahi o mafuaga, e ona ko na fakatutuga ki he paketi mo na galuega atiake lalahi a na nuku, e heki fakamatea na galuega e patino ke fakaaoga kiei.
21. Ko te matakupu tenei kua tuku atu pe ono iei he kikilaga kiei ma te Fono Fakamua, ona na iei he matou mafauauga, pe ka tuku atu he fautuaga ke toe vaevae i te iloiloga tenei.

Lipoti o te Tauhaga Tupe Taluai 30 Iuni 2019

22. Ko te lipoti tupe mo te tauhaga katoa na gata i te aho 30 Iuni 2019, nae he lipoti fakaataata i te taimi na vaevae ai te paketi tupe i te Fono Fakamua o Iulai 2019 ma na fakatotoka lelei i te Fono Fakamua ia Novema, ko te taimi foki ia na malilie ai ke tokehe mai na tupe ova.
23. E ve lava ona mahani ai, e ui lava ko heki faia te toe iloiloga, te hiakiga ma na galuega huketuhi o te lipoti, e talitonu kimatou ko te ata e iei nei, e maua ai he ata tafapili ki te mea moni. Kafai e maea te tukutonuga o ni huiga mot e fakaikuga o te tauhaga tupe, e talitonu kimatou e iku e fetau i na tupe fakafano ki te paketi tupe. Ke matau te vaega nei, ko ietahi fakatupega mo na galuega atiake lalahi a te atunuku e he i loto o te ata i lalo ona e na ko ni polokalame kua malilie oioti ke fakatino.
24. Ko te lipoti o te tauhaga tupe kua kotokoto atu i te ata i lalo, e kitea ai na tupe na fakafano fuafua ki te paketi tupe.

Paketi Tupe/Mataeke / Nuku	2018-19		
	Tupe Fakafano	Paketi Tupe	Kehekehega
Tupe Maua	40,279	35,760	4,519
Atafu (Paketi Mahani)	4,003	3,494	509
Fakaofu (Paketi Mahani)	3,753	3,611	142
Nukunonu (Paketi Mahani)	3,131	3,124	7
Huiga ki te Tau	383	447	(64)
Tamaokaiga, Lihohi Fakatenatula ma te Hikomaga	1,152	809	343
Akoakoga	3,615	3,250	365
Malohiaga	476	382	94

Tupe	1,002	937	65
Faiga Faiva	1,209	1,213	(4)
Ola Malolo	3,449	3,555	(106)
Ofiha o te Malo Fakaaauau	1,774	1,586	188
Komehina o te Kaufaigaluega Tautua	309	306	3
Tautuaga Lagolago	703	661	42
Femalagakiga	5,938	5,500	438
Ietahi (Atunuku)	455	2,061	(1,606)
Galuega Atiake Lalahi			
Atafu	614	1,403	(789)
Fakafo	374	501	(127)
Nukunonu	696	841	(145)
Atunuku	5,608	9,042	(3,434)

Hukega Tuhi ko heki Totoka

25. Ko na galuega o te 3 tauhaga kua teka nae kikila patino ki te fakatotokaga o na lipoti huke tuhi ko heki pahia, ma e holoholo malie te galuega tenei, e ui lava nae manakomia ke fai te hukega tuhi o te lipoti o te 2019 ke fofo ai ni matakupu faigata i te lipoti o te 2016 vena ma te hakiliga o he maliliegi ki te auala e fakatino ai. Ko na talanoaga iena nae lahi manakomia mai ai ni fakamatalaga, nae he lahi he kimatou mafai ki te fakatelevavega o na vaega ienei ona e a latou te tonu mulimuli. E heai he vaega o na matakupu faigata na afaina ai na galuega o aho takitahi ka ko ni matakupu nae tau ki ni fakamatalaga e tatau ke fakailoa i loto o na fakamaumauga o na lipoti tupe o te fakaikuga o te tauhaga.
26. Ko Tehema 2018 te na haini ai e te Huke Tuhi Hili na lipoti tau tupe o te 2015. Ko te tauhaga 2016 na maea i a Tehema 2019 ma na malilie ai foki ki ni matakupu nae faigata. Nae peleni ke haini na lipoti ka ko heki pa ki te Kilihimahi kae e heki mafai ke totoka ona nae iei na matakupu fakalotoifale a te Ofiha Huke Tuhi a Niuhihila. E iei te kikilaga e haini ka ko heki nofoia te Fono Fakamua tenei.
27. E iei te tahi ahiahiga mai te Ofiha Huketuhi i a Mati, e fakamoemoe e fakatotoka ai te lipoti o te 2017 (kua lahi fakatino na galuega ienei) ma e fakatotoka ai ietahi galuega mo te tauhaga tupe 2018.
28. Ko te pahiaga a te huketuhi mo te 2016 (atonu e vena foki te 2017) e fatu ki luga o te he katoatoa o te fakamaliegia o te tulaga o na fakafanoga tupe mo te kaufaigaluega. Ko te matakupu tenei na lipoti i te Letio Niuhihila, ka nae he hako te kavega o na fakamatalaga a te fai lipoti na fai ki te matakupu..
29. E hako na pahia na lipoti huketuhi ka na pahia i he malamalamaga veia, e he katoatoa na pepa e fakamaonia ai na fakafanoga tupe kae e he ko te he iloa o na vaega na fakaaoga kiei na tupe. Ko te agaga tonu o te matakupu ko te he iei o ni konekalate ma te kaufaigaluega hinia ma ko te matakupu lahi ia o na galuega fakaopopo e fai ke fofo ai na fakafitauli ienei.

Komiti Fakafaoe mo na Matata Fakapihinihi

30. E heai ni matakupu

Na Talohaga Tupe

31. Ko na pepa talohaga mo ni fakatupega na maua ma iloilo e te Mataeke, kua takua i lalo;
- a. Ofiha o te Malo Fakaauau – Fakatahiga a te Pahefika i Haute;
 - e. Mataeke o te Malohiaga – fakatupega mahani a te mataeke;
32. Na talohaga mai ia Atafu pe mafai ke talohaga mo he tupe fakaopopo mo te Ofiha Lahi. E heki iei he teteke ki he talohaga aloakia kae ona ko te heai o he fakatupega e mafai ke vaevae, ko te tali e ono venei; ko te aofaki e \$250,000 mo na galuega atiake lalahi ko heki iei he polokalame e tuku kiei, e mafai ke fakaaoga mo te vaega tenei.

Fautuaga:

33. E fautua atu ki te Malo Fakaauau/Te Komiti Tupe/ Fono Fakamua ke:

A	Malilie ki na huiga ki te paketi tupe kua fautuagia e ve ona auilili i te Pepa Fakaopo 1	Io/Heai
E	Matau te lipoti tupe mo te 6 mahina e gata i te aho 31 Tehema 2019 e ve ona auilili i te Pepa Fakaopopo e 2	Io/Heai

Pepa Fakaopopo 1

Huiga kua Fautuagia mo te iloilogia o te afa tauhaga o te paketi tupe 2019-20

Ko na huiga e fautuagia kua kotokoto atu venei;

1. Fakaopopo he \$450,000 ki na Lafoga o na Totogi
2. Fakaopopo he \$300,000 ki na pahehe vaka
3. Fakaopopo he \$150,000 ki na pahehe o na uta
4. Fakaopopo he \$100,000 ki te tiute
5. Tokehe he \$1 miliona mai te tupe tauhi*
6. Tuku he \$150,000 mo te Fakatahiga a te Pahefika i Haute

Ko te afiaga katoa o na huiga kua fautuagia e venei;

- e heai he huiga ki te aofaki katoa o te tupe maua kae iei na vaega na toe teuteu i loto o te aofaki o na tupe maua.
- tupe fakaopopo e \$300,000
- e tutuha ma te aofaki kua ova ai te tupe fakafano, e \$300,000
- ke fakamatea ai te huiga ki te Tupe Tauhi mai Niuhihila na fuafua e maua mai e \$13.5 miliona. Kae na ko he \$12.5 miliona te na maua mo te tupe tauhi ka ko te \$1 miliona kua tamau mo ni polokalame fakapitoa. Ko na polokalame fakapitoa ienei, e maua ai na fakatupega e patino ki ni mataeake, ma ko ni fakatupega fakaopopo ki na paketi tupe kua uma te pahia. Ko na fakamaumauga o na tupe fakaopopo e maua mai i Niuhihila e kehe mai ma te tupe tauhi e i loto o te Pepa Fakaopopo e 4.

Pepa Fakaopopo e 2

Lipoti Tupe mo te 6 mahina e gata i te aho 31 Tehema 2019

Ko te lipoti fakaataata o te 6 mahina e gata i te aho 31 Tehema kua kotokoto atu i lalo. Ko te lipoti tenei e tatau ke fai kiei he iloiloga ma toe hiaki, kae e matau e atagia ai he ata e talafeagai ma te tulaga e iei ai te paketi tupe i te aho 31 Tehema.

Ko na aofaki ienei e he i loto ai na fakafanoga tupe mo na galuega atiake lalahi. E kitea na vaega ienei i te Pepa Fakaopopo e 4.

6 Mahina kit e aho 31 Tehema	\$'000			
	Tupe Fano	Paketi	Kehekehega	Fakamatalaga
Aofaki Tupe Maua	12,143	19,100	-6,957	Kehekehe o na taimi e maua ai na tupe maua
Fakatupega Mahani				
Atafu	2,217	2,070	147	E ova malie i te paketi
Fakafo	1,689	1,856	-166	-
Nukunonu	1,747	1,996	-249	-
EDNRE	490	372	118	E fakaaauau pe te ova, manakomia ke fakaitiitia
Huiga ki te Tau	432	260	172	Continues to overspend. Need to reduce
Akoakoga	1,117	925	192	E ono fakaitiitia i te afa mulimuli
Malohiaga	165	169	-3	-
Tupe	574	603	-29	-
Faiga Faiva	342	550	-208	-
Ola Malolo	854	749	105	E mafua ona ko te tiami na fakatau ai na hapalai falemai
Ofiha o te Malo Fakaaauau	865	962	-97	-
Komehina Kautautua	154	147	7	-
Tautuaga Lagolago	314	395	-81	-
Femalagakiga	2,920	2,741	179	E i lalo o te 10% te kehekehega
Totogiga Tupe a te Malo	2,042	2,788	-746	E kehekehe na taimi totogi vagana ai te Tupe Tino Matua kua ova
Aofaki o te Tupe Fakafano	15,921	16,581	-660	
Tupe Fakaopopo / (Gau)	(3,778)	2,519	6,297	E mafua lahi ko te taimi e maua ai
Galuega Atiake Lalahi				
Atafu	1,164	1,414	-250	E avanoa ke tuku kit e Ofiha Lahi
Fakafo	654	750	-96	Ko heki totoka te vaevaega
Nukunonu	10	388	-378	Ko heki katoatoa te vaevaega
Atunuku (ata i lalo)	3,751	4,124	-373	Kikila ki vaeta i lalo
Aofaki Galuega Atiake	5,578	6,676	-1,098	
Aofaki Tupe Fakaopopo/ (Gau)	(9,356)	4,157	5,199	

Galuega Atiake Atunuku (i luga))	Tupe Fano	Paketi	Kehekehe	
Ofiha fou i Apia	765	1,174	-409	Tau o te Ofiha i Apia ko heki totoka

Tup eke vaevae & letahi	1,897	1,850	47	-
Uaea i te Tai	1,000	1,000	-	-
Galuega Atiake – Malohiaga	89	100	-11	-
Aofaki	3,751	4,124	-373	

Pepa Fakaopopo e 3

Paleni Tino i Tupe & Totogiga Tupe kua Tamau a te Malo – 31 Tehema 2019

E lahi te tatou tupe teu i te taimi nei ona ko na fakatupega kua totogi mai mo na galuega atiake lalahi, e patino mo te Uaea i te Tai ma na galuega atiake a te Malohiaga. Ko te fakatupega tenei ma na galuega atiake lalahi e fakaaoga kiei, e iloa i na maliliega kua fai, ko na galuega e fakatino vena ma na kaitalafu. Ko na paleni i te ata i lalo e tautafapili ki na tau hako ma e tatau ke hiaki ma iloilo.

Ko na vaega lalahi ienei;

- a) Ko te Hikimi Teutupe a Tokelau e \$8.3 miliona te aofaki o na paleni.
- e) Ko na vaega lalahi e i loto ai na tupe mo na Galuega atiake ma e kotokoto i loto o te Pepa Fakaopopo e 4.
- i) Ko na teugatupe ma te Tupe Fakaleoleo e i loto ai na teugatupe mo na Galuega Fakalelei ma Tauhi ai na Aheta ma te teugatupe mo te fakafouga o na Aheta

Aheta/Kaitalafu	Paleni (\$m)	Fakamatalaga
Aheta		
Tino i Tupe ma na Tuhi Tupe	21.1	Ko na tuhi tupe uma e iei ai na Teugatupe Fakavaitaimi Pukupuku
Teugatupe kua Tamau	0.4	Teugatupe e patino ki na Tupe Fakaleoleo
Tupe e Kaitalafu mai	12.8	VAGST, kaitalafu tau totogi & tupe fakakaitalafu mo ni Malaga
Teletok	0.3	Tuhitupe a te kamupani Teletok
Aofaki o na Aheta e Vave Fakaliliu Tino i Tupe	34.6	
Kaitalafu		
Hikimi Teutupe	8.3	Aofaki o na paleni a tagata tautokatahi
Galuega Atiake Lalahi	15.7	Paleni o na Galuega Atiake – tupe maua/vaevae ka ko heki fakaaoga (kikila ki te Pepa Fakaopopo e 4)
Tupe Teu Fakaleoleo	2.3	Tupe Teu Fakaleoleo na pahia e te Fono Fakamua
Kaitalafu e Togitogi	10.2	Kaitalafu Totogi ma na vaega ko heki totogi
Hikimi Hupa a Tokelau	1.7	Lafoga kua maua mai (tino galue & fakagalue tino)
Aofaki o na Kaitalafu	38.2	
Katoaga o te Tulaga Tautupe	3.6	(E lahi atu na kaitalafu i na aheta tino i tupe)

Ko te ata i luga e kitea ai te tatou tulaga i na tino i tupe ma ko he \$3.6 miliona te ova ai. E he fakapopolegia lahi i te tulaga teia aua e he ko ni kaitalafu e tatau ke totogi motu i loto o te tauhaga tupe tenei, ko te lahiga o na kaitalafu (kae maihe te kaitalafu ki na tuhi tupe) e ono tumau te tulaga e iei ai i na tauhaga e hau.

Pepa Fakaopopo e 4

Paleni mo na Galuega atiake lalahi - 31 Tehema 2019

Ko na paleni mo na galuega atiake lalahi e tatau ke tutuha ma na tupe e avanoa ke fakatino ai. Ko na fakatupega ienei e maua mai i te vaevaega o te paketi tupe pe maua mai i ni fakalapopotoga mai fafo. Ka fua ki na paleni ienei, e tatau ke maua te \$15.7 miliona e patino ki na polokalame ienei.

Galuega Atiake Lalahi	Paleni (\$'000)	Fakamatalaga
Vaka ki Gauta /Galuega Atiake Lalahi)	146	Kua uma te galuega i te tauhaga kua teka. Fakaheai te vaega tenei
Ofiha o te Uaea (Teletok)	474	Fakatupega kua talia ka ko heki tuku ki te Teletok
Akoakoga	(1,131)	Fakatupega mai Auhetalia mo te gagana ma ietahi vaega
Paketi Tup emo ni fehoahoaniga fakapitoa	(269)	Pulepulega o te kaufaigaluega ma na fakatupega
Huiga ki te Tau	130	Toe fakahoa pe fakaheai te vaega tenei
Malohiaga	(5,523)	Malohiaga mai te La
Fakaleleiga o na Vaka	(342)	E ve ona pahia i te 2019/2020
Uaea i te Tai	(9,461)	Uaea o te Initaneti
Ietahi	276	Tukufakatahiga o ietahi galuega atiake lalahi
Aofaki	(15,700)	

Ko na galuega atiake lalahi e fakatupe fakapitoa e Niuhiila e i loto o na aofaki e takua i te ata i luga.

\$'000		Hao Tautupe kua Maua		Tupe Fakafano i te taimi nei	Fakamatalaga
Galuega Atiake	Tau Aofaki	Tokelau	Niuhiila		
Galuega Atiake a te Malo					
Uafu & Ava (ZP2011)	19,399	3,100	16,500	19,399	Kua uma te galuega
Malohiaga mai te La (ZP7002)	9,000	1,500	3,500	182	E fakafou te hihitemi kamata i te tauhaga nei
Uaea Initaneti (ZP7040)	28,670	6,000	18,000	14,539	E he i loto ai na ofiha fou o te Teletok
Polokalame i na Nuku / Mataeke					
Polokalame Pahefika mo te Haogalemu i te Tai (ZP3800)	846	-	429	433	Femalagakiga
Atiakega o te Mafai ma te Iloa i te Pulepule Lelei ma te Pulepulega o na galuega (ZP4069)	356	-	356	433	Pulepulega o te kaufaigaluega ma te tupe
Mataeke o te Va ki Fafo kui mai i te Ofiha o te Va ki Fafo (ZP7130 & ZP5009))	421	-	421	109	Fonotaga a Fafine & Paka Takakalo